



07156

貞居先生詩集卷第五

七言律詩

題范德機編修東坊藁後

一編上有東坊字慚愧詩中見大巫直想瘦生如飯顆
竟從癢處得麻姑咸池水淺孤黃鶴空谷天寒病白駒
擬共西風接尊酒只愁塵土沒雙鳧
無因對次韻孫大方真人仙輿三首

麻姑海上信全疏官府神仙得自如飛鼠潛窺餐玉法
蠹魚私泣殺青書晚尋五老神猶王夜守三彭病頓除
傳語肉芝煩見待幾時揮手約凌虛

仙仗來時瑞氣屯真人玉女侍靈軒亭亭珠穗香煙直

貞居集卷五

爛爛樽桑玉色溫華雨埽塵鸞帚溼鳴雲承襪蜃樓昏
至今星斗天壇夜望拜清都紫府門

風語琅璫曉漏沈露簷時下九臯禽早知鴻寶遺丹訣
獨許青藜識苦心玉局俊貌華蓋小金波鳩鵲蕊珠深
無因得禮朝元閣圓象中閒雪一簪

寄吳興趙承旨

亭下鷗波好放船蒼蒼葭菼水如天投綸漁父小垂手
化蝶秋蟲大學仙麻紙丹書應滿笈鱖魚紫蟹不論錢
清真逸少誰同傳獨許華陽許叔立

題桐柏觀

百折丹梯杪萬松鳳笙臺殿赤城鐘親從海上求司馬

寧復山中起臥龍
瓊闕排雲窺坐席
銀橋乘月記仙蹤
真人及此東行日
笑說盧敖向九峰

和馬伯庸御史春游依次用韻

山中墊角雨仍斜
歲歲春風換鬢華
湖水花香魚在藻
江南食冷客思家
鷲峰埽石繙經葉
龍洞分符調井花
遊騎卻歸城郭莫
醉紅猶帶臉文霞

題西湖何氏隱真館

雞犬雲中豹一斑
路鄰仙冢昔躋攀
說經僧去黃龍臥
負藥童歸白鹿閒
酒仰秫田陶令宅
井分丹水葛洪山
不因早結昭臺侶
此地從知數往還

魏國趙夫人管君輓詩

貞居集卷五

二一

曾謁西池閼殿春
賜封大國寵疏頻
擇壻當年郗太傅
能書今日衛夫人
玉鏡離臺空掩月
寶衣堆桁暗凝塵
千秋鄉中名不沒
墓有通兒書老銀

歐陽率更子通書母夫人墓銘夫人諱老

泰定丁卯沙溪元日

按誌外史是年蓋五十一矣

出世行藏本不羈
江東節序片帆隨
三朝猶是嘉平臘
一集又題丁卯詩
赤石青林含古色
白沙翠竹弄清漪
春風浩蕩鷗波興
終要南山霧豹姿

次韻鄧善之學士贈無極元講主

林下幽人宿昔期
相看濁水照摩尼
自緣結社從陶令
不爲聽琴識穎師
梵放松風將數里
定迴蓮漏下多時

紫芝采采堪持贈忽憶荆門已有詩

翠竹舟次吳江寄李溉之學士

垂虹散髮思飄然悔不金陵捉酒仙詩有羊何方得和
世無李郭更同船金人掌上三危露玉女窗中五色煙
莫待遂良鬚盡白共尋瑤草看明年

贈華蓋山人

聞道江南第一峰浮丘仙伯此遺蹤諸天倒影陰時見
萬壑層冰赫日封雷火浣壇龍抱柱羽衣垂蓋鶴巢松
高居絕頂三千日乞我平生玉鍊容

贈碧筒飲

采綠誰持作羽觴使君林下晚尊涼玉醪沁露心微苦

貞居集卷五

三

翠管承雲手亦香飲海龜藏蓮葉小吸川鯨恨藕絲長
傾杯誤展淋漓袂笑絕耶溪窈窕娘

句容趙漢章松澗堂

誰展虛堂坐翠寒從橫圖史有餘寬樹枝曾閱嘉平臘
石甃猶涵抱朴丹靜士心源如白水老人年髮似蒼官
清流蔭映芝蘭秀我欲相從賦考槃

句容趙漢章松澗堂

丹樓百尺倚雲霄有客懷仙興獨高腰下蒼精纏寶氣
眉閒脈理卷金毛擬招薛子青田鶴與釣任公碧海鰲
幸自蒼頑同木石思君一夕夢勞勞

用韻寄答李黃巖同年

十年契闊貯離愁憶共乘風御水舟避地煙霞知更燠
間年蒲柳惜先秋樹猶如此桓司馬畫亦通靈顧虎頭
未領浙東山水郡幾時騶從枉林丘風韻寄靈

山泉謝范以善雲林清遠館

華陽范監居幽眇不到立窗未易逢山氣半爲湖外雨
松聲聊答嶺頭鐘嘗聞神女騎龍過亦有仙人控鶴從
安用乘流三萬里小天元在積金峰

題亭寄詵笑隱

繙經臺畔惜分攜華蓋峰前幾夢思半席地分眠鹿草
三更月在掛猿枝我書安能半袁豹君才端倍十曹丕
上番相逢虞祕監不嫌頻竄仰山碑

貞居集卷五

四

書盧疏齋宣城集後

人物西清第一流曾看繡斧下瀛洲難求驥北千金骨
空載江南數斛愁小謝夢無春草句大蘇詩有景疏樓
敬亭依舊哦帽月付與騎鯨汗漫遊

初寒

新晴穫稻空憐曲獨畏初寒體不勤衲被敦敦晨粥擁
糟牀瀏瀏夜燈聞折鐺尙帶龍頭齒破几亦生蛇蚶文
山鬼情知莫相惱巖頭雞犬白於雲

金陵僧來聞笑隱住持事繁風雨有懷

憶曾共坐繙經石語我松花壓酒方一自宜城居輔國
幾時天竺話連牀棲棲春草亢桑楚歷歷風鈴替展岡

乞得江東今夕雨與君聊洗夢中忙

自笑摧積如病鶴羽衣仍復會婆娑已裁斑竹將扶老
更剪蟠枝作養和驟雨欲來移蟻穴落花都罷分蜂窠
裏頭多上春官者不道丘園自一科

劉宗師還山得虞侍講詩奉謝一首

丹鳳門前送羽車清詩滿袖出京華雕蟲徒刻三年楮
補袞應餐五色霞太白晚傳青綺帔元君早授玉門砂
要知不隔金閨步常是相從太極家

蘆花褥

自愛柔茵一榻平岸霜都著楮囊盛夢同宿雁經寒煖

貞居集卷五

五

身與浮雲較重輕待我雞鳴分豆粥笑誰鯨卷對藜羹
臥遊江海平生意布被公孫尙爲名

墨妙

房櫳新柳待陰遮澗道流泉走脈斜蠟屐雨磨苔齒折
杯尊水湊石脣窪金題玉躐修仙史縹緲網枝折瑞花
愛玩奎章新墨妙坐拈如意帖龍蛇

春日題蘇仲簡曲林梅石卷

不到幽人曲水巖春風一夕徧江南白雲根煖花如霰
紫翠苔深玉作龕石髓何曾遇玉烈鶴情應只戀蘇耽
鐵心自笑蒼頑甚呵凍題詩雪滿簷

閏三月三日北山看花不與盟

應笑黃楊厄閏時後三仍復負芳期老無劉凡簪花分
閒有陶潛止酒詩穀雨林中先紫筍鬱岡山日足黃鸝
韓湘自倩奴星去袖得瑤臺第一枝
憶昔重廣陵有寄瓊花詩焉余次韻
未信人間日易斜攜春來問列仙家情知后土無雙樹
迷殺江都是此花芍藥漫吟紅繭栗瓊兒從盼玉蘭芽
一壺能共樊川老醉寫烏絲側帽紗

重過研山餘一載倦投禪榻似還家彌天舊有三三語

掃地春無七七花古竹能修櫻筍供病夫與試石霜茶
松風元在袈裟角一宿何煩更永嘉

貞居集卷五

六

開玄館田舍之環綠軒留書楣閒

高懷的的遠人羣更占寬閒養白雲豈直山林爲避世
由來畎畝不忘君鶴天隊仗青排闥花雨周遭碧染裙
昔日庚桑今向老帶經亦欲事耕耘

題松雪翁著色便面爲倪元鎮作

誰寫畫屏松石岡斷煙平楚閒微茫障塵不借蒲葵影
弄翰同歸粉墨囊驢背書生猶浴下鷗波亭子只山陽
憑君更倩盧鴻一滿把清風畫艸堂

次韻倪元鎮贈小山張掾史還寄元鎮

爲愛髯張亦癡絕簿領塵埃多強顏何如膝上王文度
轉憶江南庾子山綠樹四鄰懸榻在青溪千仞荷鋤還

風流者舊彫零盡莫怪參軍語帶蠻

形影

形影胡爲樂此留山川映發思綢繆歌長杯酒無多酌
世短何人第一流弟子受經猶北面樵青分屋自西頭
下方誤識金銀氣直倚空同一劍秋

寄京師吳養浩修撰薛玄卿法師兼懷張仲舉

百壺美酒那消憂數卷道書天與游既雨秋城苦泥淖
未寒病骨思衣裘看我目光牛背上憶君珮聲鳳池頭
情知契闊寧復語白鴿斯舉不可留

風起春城散客憂玉京臺殿憶同游雲開萬象森丹闕

貞居集卷五

七

金織雙龍盤翠裘此日聽雞趨禁籞何年騎鶴過山頭
從君試覓王喬術學化仙臈任去留

十年京國總忘憂詩酒風流共貴游溪月夜遊鷓鴣觀
灤雲曉溼鷓鴣裘書來慰我臨池上秋去思君到水頭
更憶可人張仲舉於今江海爲誰留

元錫按徐興公舊
鈔此首作薛羲作

龍虎山上元夜

琵琶峰青溪水光通明之宮何煌煌蒼精龍文天上下
朱衣魚鬣殿中央煙華夜遺玉條脫幢珮風雜金琅璫
燈前老樹支離子閱世無言意最長

懷茅山

我有艸堂南洞門常時來往虎同羣丹光出林掩明月

玉氣上天爲白雲閒憶田泉洗蒼朮更思陶澗采香芹
歸來閉戶償高臥莫遣人書白練帚

青春

青春到手難把玩華髮侵尋非故吾遮莫虎頭能食肉
何如犢鼻分當壚鬱金交綴松華粉赤玉瑩磨厓蜜珠
安得情人來石上長拈酒杓共歌呼

崇壽觀太元殿柏是咸陽說經臺本所謂衢州

林間宿枝柏者賦詩以告山中人

洞門仙柏鬱森森氣接金天太華岑翠滴空青嵐霧重
影團水碧殿階陰甚齊香葉毋煩剪不朽靈根未用鍼
誰與安排玉如意歲寒唯爾可論心

貞居集卷五

八

寄李季和

孰與言詩李髯叟一日不見已爲疏因觀故京來白下
載聞新作過黃初小降待月許攜杖中林放鶴要回車
杜陵醉歌不易得豈惜華陽眞逸書

顧況號華陽眞逸

二月一日快雪時晴

兩水寒來雪復作春風相欺何太顛來依井竈皆獸迹
坐擁書冊猶鳶肩枸杞埋根乍難劇櫻桃始花殊可憐
賀監宅前舊湖水快放柳條維酒船

題趙榮祿書貞素鍊師碣銘後

玉冠青帔髮如蓬此是夫人林下風移家未隱鹿門裏
尋師當往赤城中琴牀夜聞別鶴語韻軒日點飛鸞紅

半生寫盡洛神賦得似九華書一通

更聞直題四皓圖

辟穀晚從赤松子授書早師黃石公羽翼已成俱引去

四老相爲之始終用人家國有師法後來路絕商於中

馴馬高蓋兒戲耳爲君留眼送飛鴻

徐元度清容齋分韻得深字

誰門無事有山林長日置酒梁谿陰可能暫解高士榻

莫怪不鼓昭文琴紅榴著雨綴多子蒼柏過牆逾一尋

清歌妙舞子所樂避世堂成何用深

汪道人野逸軒

黃鶴之山多隱淪野逸軒中誰主賓落花流水自成歲

貞居集卷五

九

閉戶踰垣俱絕塵山川會有滄朴處埃壘難求澹宕人

酷無文采如我輩牛矢雞棲當結鄰

次韻倪元鎮見寄

衣桁嘗容蛛網懸石牀渾讓女蘿牽道術何煩孔郎廟

屋廬政用邴超錢泉崩瀾應歸樵路兩壓廚頭蒸朮煙

誰見西林折書夜一枝風竹鶉鳩眠

書東坡先生畫像

峨嵋秀色杳難攀玉局仙人不受閒南斗日辰韓吏部

西湖風氣白香山從教刺舌姦邪黨可惜低頭侍從班

更問東坡鐵拄杖於今海上未曾還

寄謝張予壽御史京口留飲

時將赴河南憲會食間楊以吾鼓琴

暫與
吹笛

賣藥南徐兩日留繡衣相對似清秋借鈔衡岳元君傳
挽住湘潭使者舟安道推琴元有在桓伊三弄若爲酬
歸來獨臥林間醉夢寄新詩與牽牛五時思寄天水

次韻柯敬仲學士見寄

柯時悼七

故人住住天祿閣我嘗夢見焚青藜重簾月落秋燕往
九衢塵動朝雞曉能傳米芾書畫學稍憶盧鴻林鶴棲
繇來避世向金馬諷諫得君寧滑稽王華山靈巖

湖風香經碧浪湖奉懷吳興公

湖水秋空玉色勻蒹葭織雨上綸巾重來羊峴誰沾淚
卻顧龍門不見人獨放酒船尋鱸具誰容狂客吐車茵

貞居集卷五

十

西風白羽元非用只爲人間苦障塵

贈商學士德符

鞭鳳笞鸞下紫煙筆牀塵尾意翛然一貧自信如陶侃
三絕誰能似鄭虔金碧瀛洲扶御展玉華仙露灑經筵
壽巖獨立風塵表卻笑靈椿是小年

舟次涸湖用柳博士夢薛立卿詩韻寄倪元鎮

兼懷道傳明德

思遠重逢茅小君香消酒盡路三分五湖歸思浮天水
一霎秋陰過雨雲柳子篇章渾可法花奴絃索共誰聞
唯應自洗唐溪石填得金泥小篆文

曲林真人遺以乳石杯盤賦詩以謝

上黨曉天入醉魂元君有意琢雲根小於藥玉荷心淺
大稱霜皮木瘦樽藉草飲時留洞吏隔花捧處倩山猿
殷勤更借爛明鼎寒夜聯詩酒屢溫

讀元次山集感而有作

漫叟古之賢達歟憤世直言七不如著書首補雲門樂
取醉政賴石湖魚湘中韶濩遺欸乃天下漫浪知猗玗
餓死杜陵拾遺老唯有春陵能起予天縱金劉曼
春寒大次韻劉伯溫御史春遊
草木幽馨礪道微白雲柱杖去如飛獨尋玉女洗頭處
相伴仙人采藥歸幾疊翠微深杳杳一簾紅素亂霏霏
可堪酒債兼詩債老卻江南白苧衣

貞居集卷五

十一

方廣寺石橋

綠玉飛梁碧蘚封羽人來倚瀑簾風偶繙貝葉經臺上
與散曇華茗椀中有象到頭終幻滅無生解說是虛空
春寒大展三衣坐百衲雲山一綫通

御史中丞馬公伯庸有贈薩天錫還金陵長句

因次韻寄上

射策甲科今廿載尺書難信石城潮經登烏府持天憲
猶倚青溪望使輶四月鶯囀夾城仗千官花擁大明朝
會因桂樹思眞隱獨是淮南作賦招

次韻楊廉夫送僧仲猷歸澄江禮敬寺

千巖巖頭坐兩夏秋來忽夢刀頭環笑別白猿辭鷲嶺

飛乘赤鯉下仙山桂子紛紛向人落楊柳依依遲子還
子雲奇字不易得只許澄江窺一斑

飛因書危太僕入都爲題雲林畫幅

故人渺在雲林端手種梓漆陰團團不憤讀書從鬼谷
何嫌賣藥近長安白日定趨天祿閣青春宜著鷓鴣冠
相思灑盡金壺墨三十六峰生莫寒

三月病懷示

以李穀戲書詩一章與大贈謝之

煮藥香中聽雨眠都緣未熟養生篇雪消春水深三尺
日上花陰過幾甄世事悠悠高枕外衡門寂寂莫霞邊
自慚病鶴摧積甚卻願雲霄意悄然十地隨留問歸早

上清外史薛立卿寄題菡閣且約以遊武夷次

貞居集卷五

三

韻以答

餘杭山水著飛樓樓外長林地轉幽十畝樹陰閒濯足
一簾荷氣曉梳頭山濤舉代嵇康懶張說論文薛稷憂
蕭散人間兩外史平生俱欠幔亭遊舊韻部春水篇三月
立覽真人示以李遵道舊詩一章俾次韻悼之

那思齋將寄其子克孝

八弟生克孝

仙李如何竟少年滿堂圖障慘風煙青山捫蝨誰同話
赤腳騎鯨自上天名世豈唯書畫學起家猶望孝廉船
無因得寄松花酒一灑清明筆冢前

贈漁樵侶

雲間倪伯玉自號漁樵侶

郁木坑頭負薪者道士磯頭垂釣翁我輩與結平生友

夫君還有古人風，水羞涼味蒲芽白。野飯晝香松菌紅，見說行藏多歲月。不離三泖九山中，黃鸝交樹雙鶯語。
白髮黃冠歸故里，某丘某水昔曾經。石泉新處鑽槐火，山雨多時拾菌釘。溪叟扶犁天際去，鄰娃吹笛夜深聽。
杜陵醉眼元空闊，解道乾坤水上萍。蓬山紫萸星斗，
吾愛吾廬聊復爾，眼前白石與蒼苔。水從林木陰中過，風自簾櫳曲處來。薄有餘情歸竹素，都無長物受塵埃。
先生閉戶真成懶，詩債敲門不厭催。王褒風流齊魯，

山人江山勝槩樓爲龍虎黃希石作

貞居集卷五

三

仙人元自好樓居，快展江山極目初。天上孫登一絃曲，雲中梁鶴八分書。金明海岫晨曦發，玉奏風濤夜籟虛。
踞席焚香疑有待，麻姑行按小方諸。

乙亥二月還錢唐書懷寄錡師魯

黑頭時與王孫別，春草又青天。一涯貧甚馮驩，猶有鉞歸來。丁令已無家，葑田湖窄游船少。墓道山荒故屋斜。

遷憶菌巢書數卷，雪麋應護手栽花。

雪麋，玄洲白犬名。

答楊廉夫二首

弄水摘花無可憐，風雨倦尋茅步船。吾家南陽有靈石，龍井西頭無杜鵑。野雀亂離畏人過，弱柳委地趁蠶眠。子雲胡爲甘寂寞，後世何人知太玄。

黃篾樓中唯飲酒樓下長溝鳧雁多灣頭橋斷浮青草
湖面風來生白波饒奴竟取脫綳筍老魚戲啜如錢荷
詔書寬大到海北河北饑民爭倒戈

李寧之煮茶亭

桐君山下一區宅木茂土肥泉水香槎頭釣魚秋水足
亭子煮茶春日長兩山徒爲盤谷隱一水尙繫平泉莊
莫厭身名俱隱約會有輜軒來晦岡時宗嚴守破京髓
出茶礪阿坐雨寄以敬

貞居集卷五

十四

十二月五日雪晴

丁亥

日光玉潔千峰立快雪晴時一氣凝當酒壚亭催埽巷
犯寒漁榜借收冰松皮石裂號飢鼠窗隙塵消觸凍蠅
青茁菜芽渾可愛倩誰春餽捲紅綾

井簡兼善尙書

梁谿宅裏閨煙霞使者淹留日未斜天上夔龍圖治道
舟中李郭望京華十三絃送黃柑酒第二泉煎紫筍茶
寄謝南宮達夫子會同雞犬憶仙家

讀戴帥初集

剡源詩卷落吾手便似移家太白峰學道昔慚出世遠

知人今媿郭林宗
空山樂道有遺譜
白日天馬無留蹤
太息斯人不可見
厭將兩耳聞寒蛩

贈劉伯溫大監

臺閣如公最有稱
輶車驄馬數能乘
校書在昔專劉向
祕監于今復魏徵
汗簡削成金作匱
泰階平處玉爲繩
信有仙人唯寂寞
側身長倚白雲層

送鄭明德適越

四十日春廿日雨
閒花尋柳意茫然
竹根臥瓶高筆冢
竈下生薪連朮煙
茅家名餘鐵爐步
龍井氣脇金沙泉
稽山酒船速回棹
遲子歸來烹蕨拳

虞先生送張元朴回龍虎有云塵尾每懷張外

貞居集卷五

一五

史鷺羣今屬薛立卿元朴索次韻

想見先生戴笠行
黃茅岡上看陰晴
承聞祖道同疏傳
鄙說還鄉似長卿
海內好詩元自少
江西行李不嫌輕
謫仙愛與元君語
煙子而今亦有名

秋日晚興

暝色入林煙火微
暮雨欲來如有期
野雀喧爭棟樹子
幽人行把菊花枝
山空始見水泉涸
寒至乃索衣裘遲
莫惜題詩將寄遠
不多故舊在京師

道館雅集聽琴次楊彥常韻

幽蒿細竹滿牆閒
雨後危牆似斷山
一室了忘塵世隘
諸君能賞病夫閒
池尋野鶴魚苗綠
土蝕秋蟲菜甲斑

我不鼓琴偏識趣絕憐失執重躋攀

莫怪道人居處僻柴門今始爲君開曾從小有探華蓋
不向昆明數劫灰秋水渚涯浮地肺茅君局任守天台
倦遊早欲依香火付與盧敖戲九垓

上人於南洞居三首

絕磴垂蘿一徑分碧巖不與眾峰羣只疑洞口餘硤石
渾是山頭片段雲病試朮方疏藥檢書移冰研近爐熏
幽人許掾相問訊轉憶山陰王右軍
山中棟宇自齊梁唯數南巖古道場虎洞窺來光剡剡
鷺池臨罷綠泱泱天寒最覺松神王丹化懸知鶴壽長

貞居集卷五

六

珍重平生金鵲尾犬茅峰下獨焚香

華陽南洞幽人居幽人本是山澤癯玉門砂無句漏令
太平酒勝步兵廚洞穴嶽巖肺腑隔菖蒲根節龍蛇枯
願從歲晚飽肥遯不待著論稱潛夫

送日本僧

上人住處扶桑國我家亦在蓬萊上洪濤拍屋作山立
白雲繞牀如水流住世不知誰是客多時忘卻故園秋

明朝相別思無盡萬里海天飛白鷗

錢唐西山卽事

苦竹溝深迷遠近置我洞達青艸湖飄風驟雨且高臥
來牛去馬非良圖中散幾時應罷鍛舍人何日共投壺

爲留兵廚醕醑酒待看池蓮冰雪膚

鼇峰宜晚亭

鼇峰亭子偏宜晚約下煙光與細看獨鶴歸來頻寄語
夕陽春外一憑闌昔游謝朓空陳跡迴首敬亭生莫寒
萬一桑榆容倦翮西飛會訪毛公壇

鐵笛道人新居曰書畫船亭作詩以寄

蘇州去訪楊雄宅近水樓居似月波東府官曹知者少
西山爽氣望中多臺招天上仙人鳳池養山陰道士鷺
誰和清風吹鐵笛莫愁艇子柳枝歌

寄楊廉夫鄭明德

快雪時晴春意動歸舟移纜向方塘走尋飲伴雞豚社

貞居集卷二

十七

誤落詩名錦繡場于雲奇字誰能問鄭老襟期獨不忘
闔閭城中可終老安得四萬買滄浪

馬伯庸中丞桐鄉阡遷祔有旨賜碑名肇文開

善有詩次韻

公家阡表似瀧岡總爲能文補舜裳龍耳當承天子問
龜趺重表鄭公鄉異時將相寧無種此舉邦家亦有光
想見丹書映叢桂淮南無地著秋香

寄題陳涓叟紫雲編用張仲舉韻

葛溪觀主陳涓叟高行絕人詩益工明月雙珠好奇服
閒居七言成變風大茅獨立雲在下小史久住江之東
吳筠寥寥五百載唯我與君相長雄

以頂山栗寄元鎮
近來嘗熟嘗新栗黃玉瓢分紫殼開果園坊中無買處
頂山寺裏爲求來囊盛稍比來禽帖酒薦深宜醮甲杯
首奉雲林三百顆也勝酸橘寄書迴
西爽軒次韻韓致用
大名誰及河東老爲愛幽軒有賦詩沉澁一杯凌倒影
闌干幾曲帶清漪徒聞東海投竿去不似西山拄笏宜
兩岸菰蒲魚鳥樂繫船猶帶綠楊絲

答董子羽見寄

清都間已住多年鶴駕鸞驂與後先閭闔五雲宮樹暖
蓬萊初日羽衣鮮神仙翰墨唯皇象史館人材總孟堅
天上春風如舊識殷勤吹送寄來篇

貞居集卷五

六

秋詞

香散天街靜玉珂水臺風殿夜如何星從河漢淡中落
秋在梧桐疏處多鸞影不曾離寶鑑蛛絲先已墜金梭
君王繭館詢遺事卻擬鑿車共載過

寄渭清遠記室

大石墜腰勤苦行此生深愧老盧能雨留澗下三版水
苔臥窗間七尺藤清壑鐘傳晨放梵雲門詩到夜挑燈
憑君試問龍河隱政在鍾山第幾層

吳興舟中

茗溪斫鱸腹偏腴取酒烏程清若無最憐楊柳破三月

絕勝蛾眉遊五湖船頭濯足畏魚淦港口卸帆驚鳥呼
林巒在處著舟楫儻有賸田吾欲租

元統甲戌夏五月既望余客義興王氏懷慶堂
十又八日偕士友張德常謁張公洞得七言詩
一首寄住山陳長卿周仁仲

路入秋陰罨畫閒弭節洞靈俱啟關東皇衣覆雲霧海
玉女盆盛人鳥山牽驟步步跡石髓投龍往往祝金環
茅家小史豈塵土此地一遊聊解顏

吳石居使君八十壽

大宗師兄
養浩父也

若翁腰帶玉圍虹賸喜今年八十同食邑嘗爲驍騎尉
入城爭識鹿門公車回晚望蓬萊日帽卸涼梳菡萏風

真居集卷五

一九

兒子去爲真學士未應園綺住山中

吳養浩江浙提學任滿侍親歸番陽

穩送歸帆向錦江西湖能負白鷗雙書中久已知梁鶴
牀下時曾拜老龐封還畫省文章印盛取玉堂雲霧窗
榮祿鄉中會耆舊開筵應釀酒盈缸

題彭大年禱雨詩卷和仲舉韻延祐己未開玄

道院作

羽衣秋薄翦湘荷茅屋山宮補綠蘿白石資方青飢飯
洪厓借乘雪精驟松雲暖憶春遊嶽冰艸寒憐曉渡河
使節南歸如見念峰頭笙鶴好相過

悼鶴

羽毛凍損雪爛熳碧落游魂杳不還和靖船歸籠尙閉
浮丘經在壽何慳長身幣裏玄黃內舊跡苔封紫翠間
擬撰瘞銘修故事寄書先附九華山

和沙次斑郎中上巳湖上道宮韻

望湖樓觀似山陰水邊麗人同賞心槐火薪泉還有夢
玉魚葬地已無金三潭雨壓蛟龍睡半嶺風傳鸞鳳音
擬續臨河修禊事塵埃繭紙不堪臨

代溪月翁和吳宗師所寄賜酒感興詩韻

年年恩霈出皇家此度仍回八月槎望闕蒼龍分瑞露
開尊白獸瀉流霞箋天久已知心事鑑水唯應換鬢華
遙想新春供大禮班頭對御祝椒花

貞居集卷五

三

柳道傳送別還茅山次韻復謝

烏蜀先生相見稀鍾陵初載橐書歸江南蕭艾作人立
卷裏盧龍看雪飛最憐玉斧有道氣重惜子真猶布衣
去去空山相憶夜朱絃三歎爲君揮

次韻題呂氏園館

因向雲間求二陸西施浦口弄雲沙東風勒住螭頭舫
微雨催開繭粟花到處華房通曲密舊時醉墨誤敲斜
一聲歌版銀瓶側亦見玉童雙髻鴉

和坡仙寒食詩

并序

先生在鳳翔和子由此詩嘉祐八年也書此詩則
元祐二年在翰林時也嘯鳩世本作嘯鴟當以真

迹爲正周顏誌先生論書有云端莊雜流麗剛健
含嫻娜觀此帖益信今年寒食適二月將晦輒次
韻一律仍用首句云帖得之於僧笑隱笑隱平生
習書所寶者此耳

寒食今年二月晦又分新火到廚煙碧桃花落閒誰掃
白苧衣輕老更便發篋但餘金薤墨考年政在玉堂編
大書絕類顏光祿小字駸駸逼墓田

再次韻沙刺班郎中春遊二首

楊柳三眠午未醒楊花飛雪散星星海中蜃氣春浮島
月下胎仙夜降庭尺素書來雲錦織紫鱗躍處浪紋腥
樓前政有三株樹翦斷西山一半青

貞居集卷五

三

鄰近桃源雞犬家不緣迷路得看花衣裳總溼三危露
服食唯消五色霞鶴冢浪磨厓上字漁舟潮閣渡頭沙
石盤棋子都狼籍莫向人閒問歲華

歐陽巡尉遇仙卷

寶圭風洞鼓鉦鳴獨挈仙壺一世驚句漏丹砂還道術
瀧岡阡表足家聲芙蓉城小花周而枸杞叢深犬吠迎
不上廳梯十二級白頭空愧學長生

晉伏蛟臺胡道立請題伯生有記

豫章自昔旌陽宅借問仙都已劫灰西山應無翦柏處
東吳遂有伏蛟臺千年鐵札化爲石十日陰風怒若雷
妖孽不生震海靜五陵佳氣待君來

浴鵲灣題壁

狀流亂石幽棲地子史詩中蕭史家白髮羽衣元自稱
風流異代不須嗟竹緣迳籬邊筍叢礙低垣兩臥花
豈少煙霞閒艇子一枝聊贈老天涯
送姚煥章還京口兼簡張率性
江鄉人事彫譎盡人日題詩復送行十載歸來訪鄰里
他年科第屬門生春泉暗動金沙井晴雪微緘鐵甕城
推官廳有詩人住閒暇相求寄一聲
和丹丘生悼書子行書遺墨後
故人亦復葬江魚空向人間憶子虛月下簫閒留譜在
竹邊房冷倩誰居蓬萊都水題金簡汲冢先秦見漆書

貞居集卷五

五

唯有研山磨不朽時時淚滴玉蟾蜍

八月十五夜待月

移牀露坐閒臨水浴鵲灣頭足芟荷秋已平分催節序
月還端正照山河老憐宋玉生悲思狂憶桓伊作浩歌
雲漢茫茫一卮酒白頭慚愧古人多

次韻韓伯清見寄

塵海幽居似地仙滿牀堆笏是家傳坐中桃李春風酒
郭外桑麻杜曲田倚蓋一松扶偃蹇影娥片月弄嬋娟
池邊艸色撩詩思未覺才情讓惠連

月山石詩

拾得金錢溪上石小峰如弁立雲根他山鳥道隔千里

新月蛾眉見一痕入林誤踏金臺背激水猶思雪浪盈
擬就漫郎呼酒舫石魚湖上共崔尊

變此春將過半病懷索莫惜無可與言詩者得句自

蘇詩關遣山澤癯者云

一花栽遶屋廬牛春多病意何如緣詩太瘦終無補

與酒全交漸要疏研席留香非長物齋庖得筍是佳蔬

鶴羣呼喚來辱飲新綠濺濺已滿渠

蘇詩三士弘賢良猥贈佳什空山真有似人之喜即與

本詩奉和所望為晚菊一來山也 丙戌夏作

南州高士只徐君野鶴昂然自不羣心似寒潭冰下水

身如秋嶺雨餘雲藝蘭何待樵青斧醜酒難尋李白墳

貞居集卷五

為問別來能幾日城中消息了無聞

方派道令尹水竹亭

水竹亭子在花山輸與幽人日倚闌蒼雪四簷迷窈窕

綠波三面浸琅玕扶行綠竹鳩形杖濯足金沙鴨嘴灘

幾樹甘棠同召伯更留清節比方干

善權離墨爭盤紆浩劫礫柯仙人廬莘莘石林壓水府

往往閣道通樓居壁藏已出黃素卷穴處尤多青綠魚

愛此長連煮藥竈待吾盥漱霑遺餘

次松瀑黃尊師寓籌峰韻

甲寅春

保大誰傳墨半規筆蹤驚見十年遲風流正壑真吾事

名教衣冠異昔時書別左公尋解劍酒深東老獨留詩
谷山長在通玄頂笙鶴相過自有期
快雨喜晴而開陽室適成賦詩自慰

春來耽酒仍耽困一枕雨聲如蜜甜老鍾栽松盍有待
飢腸食筍獨無饜峰連筆格安空翠泉入茶爐鬪谷簾
吾愛吾廬聊復爾少留佳日在茅簷

女仙江靜眞碧游仙詞

衣劍符圖有子傳生如孤鳳蛻如蟬方留橘葉聊供母
誰仙桃枝已得仙張桃枝漢司隸校尉朱寓季陵母也
行陰德久聞在易遷得爲侍郎事見
眞蕭索簾幃通素月玲瓏環珮曳空煙麻姑壇上花姑
老想共乘鸞欲著鞭

貞居集卷五

五

越靈峰寺之松風閣

谿谷風聲何瑟瑟嘯歌長在兩長松金雞翔舞不多見
青壁夤緣知幾重花時掃閣黃塵滿泉處鑿厓甘露穠
待我與攜笙鶴去香爐對面禮陶峰

筆冢

退筆如林那忍弃欲藏數籠瘞巖阿管裁犀象盍同殉
研歷冰霜尚可磨兔窟早空金椀地鷲峰深澗墨池波
毛穎有靈應感遇秦恩自少主恩多

次桑善止韻是日廉夫楊尹見訪

髮脫冠敬衰態多日長猶賴飲無何阿對泉頭布衣老
謝公墩上美人過青松豈代塵尾柄如意莫擊珊瑚柯

校書天祿餘事耳遲子考槃同澗阿

次韻王文友送游張公洞

庚桑成道來孟峰再拜攝衣昇故宮馨香果核猶可拾
顛倒雲氣長相蒙有時月明鐘磬發絕頂濤聲舟楫通
看從便道之五岳腰插驟鞭追老翁

黃一峰畫貞居圖

其跋與韻

嗜石未數奇章公太湖洞庭無此峰便擬翻身入青壁
誰見抱膝哦長松乳泉從令飛鼠飲絕路或與樵人逢
玉女下房不可到只許雲氣隨飛龍

黃一峰畫貞居圖

其跋與韻

北苑南峰凝絕筆蟠胸磊砢若爲裁按圖畫在多多許

貞居集卷五

五

落墨眞成滾滾來百折丹梯凌礪道一川飲水動灣洄
時清誰問商於路乞我西山錦繡堆

代玄覽眞人次虞伯生見寄韻

屋倚松杉路擁莎金鼇小隱且婆娑幾年有約遙相望
一棹何時有見過老去山中空歲月秋來江上政風波
黃花滿眼香醪熟對此其如逸興何

又次韻

別後驚心歲已馳幾時草夢遶春池新詩遠寄迢迢驛
舊約重看絕妙碑鼇禁風清班綴玉龜溪雪冷鬢垂絲
何時同執論文酒坐對西窗待月遲

會稽姜彥翁傳家子早遊杭學執事俎豆間垂廿載季試輒居前列遂被省檄充郡吏且待補之日長與樵牧僮豎爲師友其居適臨山館求予言辭既不獲敢以忠告之比凡故事彥翁之所習聞請論以近若晉寧張仲舉氏與子同師仇仁近先生爲童子師至金陵京師遷揚州終始授徒爲業四十載不繇科第不涉貢吏一日姓名上聞置之玉堂之署編修應奉如取券納物其進未可量日來置史局爲吏服者方俛首虞箠笞之不暇稽古之學力儒者小試之效已如此古今曷有異途在所存何如耳子持此以發彥翁趨向之端復爲詩以堅

貞居集卷五

五

其雅志云

科舉恩霑鄉貢榜學校例貢諸生員多歧取士從濶色百骸受蠹爭負緣窮巷授徒闕養母普天爲吏橫索錢妙年立身在擇術老生常談無弃捐

和黃晉卿提舉憶舊詩

支許何能接王謝山陰圖畫畧相同能留繭紙真奇事愛養鶯羣少道風苔樹斲冰春未破花蠶削雪酒如空深慚故舊相料理宥使牢愁坐五窮

天師素華閣

仙家樓閣風塵表更築凌空月榭高虛白豈知存夜氣太清還許隔秋毫溪光澹澹冰填壑松響離離雪舞濤

此去銀橋通咫尺神山直下有靈鼈

蔡獻詩上京賜燕王眉斐有詩次韻

從事何緣過草堂行都遣賜玉壺方遠勞使者紅塵騎
爛煮仙家白石羊中聖敢辭千日醉承恩獨許四明狂
金莖賸有三清露潤及葵心向太陽

陸游奉贈魯學士

閨道如珠環太極天風浩宕曳天裾雲行龍尾隨金仗
日照螭頭侍玉除四海聲華周典禮一時人物魯璠璣
願臻成際無爲化寧讀人間非聖書

白鳳凰山懷古

江右夷吾浪得名豫州英槩亦沈冥夕陽枯木山如赭

貞居集卷五

七

秋雨荒臺草自青漢苑玉魚誰復葬昭陵石馬亦無靈
可憐白髮商人婦猶向燈前話後庭

次雲林韻

扣舷溪子發陽阿落葉霜林見鳥窠清秘閣前春意早
蕭梁臺上月明多顧瞻鳴雁稻中散仰視飛鳶馬伏波
對酒忍思千古事潘郎刺促爲誰歌

送人之茅山

桃竹齊眉艸屨柔江雲溼重木棉裘茅山一去五百里
楚月相望十二樓林下飯香黃獨月松根鋤冷茯苓秋
藥瓢料得歸來滿多病微軀我亦求

鶴家

鶴壽千年定有無羽衣蟬蛻雪模糊樵人與裹玄黃幣
少保親傳粉墨圖杯土未乾青艸短三山何在白雲多
夜寒蕙帳應岑寂初向華嵩覓鳳雛

韓愈公雨懷郭子昭御史

洞天霾雲晝不開大茅南面水滄迴深山此日蛟龍喜
舊雨故人驄馬來澗道浮槎高寄樹石幢陰象溼生苔
銷愁底用金陵酒賸引翟尊枕瀑雷

南宮米老書無敵同盟亦有薛河東

南宮米老書無敵同盟亦有薛河東
石老令人拜下風華蓋天壇承露潔月巖空洞與天通
絕憐古學龜城叟一一題詩取次工

貞居集卷五

三

梅雪齋雅集分題得酒香

醲郁芬香味更醞養間飄滿讀書簾絕勝金鴨熏花氣
錯認山蜂釀蜜酣三嗅初令消渴止一中定埽宿醞淹
醉翁鼻觀還親切不待狂僧寫布帘

折蓮花寄韓伯清

丈入河溝錦作堆一花初照夜明苔濯纓歌向滄浪去
執蓋郎從碧落來天水染雲如淨練露盤餐玉似空杯
韓家公子多才思乞與香奩相對開

水竹居

爲湖州沈

白誠賦

我愛茗溪溪上居琅玕千个繞吾廬早知竹葉仙舟夢
合誤榴皮醉墨書屋底暖雲蒸汗簡月中清露滴方諸

鄰翁已訂浮家約乞我長竿學釣魚

次韻答吳興黃伯成

行盡松陰黃葉株三叉路日間茅廬青山對語唯捫蝨
落日催歸獨跨驢土木形骸嵇叔夜波瀾文字木玄虛
殘年記得相存問莫道天寒無鯉魚

不向書過吳興謁趙承旨

兩岸人家洲渚生滿城隍色與溪聲書淫畫聖王孫老
雪霽沙晴湖水清船過鷗邊掠浮玉雲移木末見飛英
洞經不用鷺羣換也許山陰道士迎

松花餅

怪來粗糲作鷺黃渾是蒼髯九粒香甜味中邊唯食蜜

貞居集卷五

三九

苦心早晚待休糧仙人騏驥留看取道士嵩陽遠寄將
笑比紅綾春韶巧齒牙根底嚼齏霜

贈別休庵了堂上人

老僧十年不出戶袈裟搭架風披披祖衣留在阿蘭若
佛法傳過高句麗客牀雪鍊一甌茗經藏苔昏三尺碑
不向舊房看偃蓋卷中元有古松姿

宿瑪瑙寺

一宿葛洪丹井上化爲胡蝶夢魂清湖田涼蛤四散吠
煙寺曉鐘相遞鳴孤嶼橫陳爲玉几初陽煥爛似霞城
拏舟又入水雲去還我風篁雪竇聲

大滌山

此峰屹立浩無前信是人間別有天銅柱何煩天北際
蓬山寧在海東邊采樵巨箬多無骨搗藥靈禽或是仙
老我不能爲狡獪峰頭看月幾迴圓湖都瀟灑白鬪琴
壘九澗丹泉世景何因水榭巒各關幽篁嘉木賦輻其
涵淳萬象一泓中欲探靈源未易窮丹甕久埋泉眼赤
珊瑚長浸石頭紅評來水味羞揚子收取砂牀贈葛洪
一醉流霞三萬日年年分給羽人宮晉魚山中故事古
天池樓晉詩嶺信晉云惠意效今古雲帶端寄

天池一樓小如架擎出半天天雨華山圍丈室獅子坐
寺屬三朝母后家時呼白猿聽奇句亦許飛仙餐紫霞
我來把斷閬風口只留林角置袈裟

貞居集卷五

三

牧之水榭有序

杜樊川水榭在義興東郭宋紹興間卽其地創招
提今廣福精舍是矣僧古田築屋三間仍以水榭
名牧之寄許侍御詩有云塵意迷今古雲情識卷
舒他年雪中棹陽羨訪吾廬刻石爲山中故事古
田諸孫易道上人從予遊求爲賦詩往題其處好

事來續未艾也宋靈應未長發代雲人思泉思未

愛此招提絕世氛何因水榭得名聞幽篁嘉木知誰共
塵意雲情若箇分陽羨溪頭黃葉路晚晴賦裏白鷗羣
詩僧文采居然別解道曾留杜使君謝藥靈舍更長曲

題趙松雪怡樂堂圖宋齊天賦其何賦天非獨

幽人結屋傍江干，怡樂名堂只數間。
黃鳥隔簾詩夢醒，紫鱗供饌釣舟還。
簷前景色春長在，柳外柴門晝不關。
誰識箇中真樂處，陶然天地一身閒。

馬厓新居

浮家泛宅意何如，玉室金堂計未疏。
歸錦橋邊停舫子，散花灘上作樓居。
澹然到處自鑿井，玄晏閉關方著書。
但得艸堂貲便足，人間何地不樵漁。

西湖放燈

其泛蘭舟燈火鬧，不知風露溼青冥。
如今池底休鋪錦，此日槎頭直掛星。
爛若金蓮分夜炬，空於雲母隔秋屏。
卻憐牛渚清狂甚，苦欲然犀走百靈。

頁居集卷五

三

雲巢樓

初陽臺上白雲多，雲裏層層玉樹歌。
棲息一枝綠未穩，飛翻千仞奈危何。
雨中幕燕雷驚起，峰頂笙鸞月送過。
好在丹梯無百尺，屋頭看盡白鷗波。

舊有漢銅洗，一作碧玉色，受水一斗，復有贈白
石上樹小芭蕉，吾因置洗中，名曰蕉池，積雪彷彿
王摩詰畫意賦詩一首，羣公時多次韻，僅存

詩魯二篇

洗玉之池割圓嶠，上有玉苗甘露零。
雪山凝寒壓太白，海氣正綠涵帝青。
身非堅須長物絕，境無夢遺真形。
盞令巖霜彫翠草，詎勝失水哀銅瓶。

銅駝陌上得銅洗曾見漢朝風露零寒光未變劫灰黑
古色猶帶宮苔青金人墮淚漫懷古玉女洗頭真寓形
與君作池媚蕉雪何以報之雙玉瓶
仙掌金盤別風露人間珠寶多飄零忽有銅洗土花碧
側想玉女雲鬟青千年偶在聊寓意萬物終毀難逃形
吾徒汲古盍玩物願子及泉資綆瓶

倪瓚

余亦昔張外史有古銅洗種小蕉白石上置洗中名之
南豐曰蕉池積雪軒西園老人追和張劉二君詩書掛

書中軒中予亦爲之次韻

貞居集卷五

三

雪中芭蕉見圖畫蕉池積雪終彫零風翻窗裏浪花白
兩壓牀頭雲葉青詩人超逸有遠思造物變幻難逃形
余亦林居喜幽事曉浥石溜攜銅瓶
書張伯雨蕉池詩後

右海昌張伯雨蕉池積雪詩一篇其稱羣公次韻僅存
者劉師魯二篇伯雨之爲蕉池積雪去今十餘年吳江
村叟周君爲蕉池積雪視伯雨所爲無少異周君喜其
暗合也求書其實并詩以表之始周君豐於貲財好蓄
古玩器無何兵起其貲與故物一昔蕩然俱盡唯守小
屋數椽日以此爲娛悅人以是多之伯雨已矣在承平
時稍爲清峭殊特者而周君當事變之際不隨眾境而

逝而乃創意于此又其奇也雖然氣化盛衰之數恆相迭而無窮也以金石之堅者不能外此而待人獨於一草之微而致意焉者其亦有所寓矣夫何寓哉妍媸鉅細不可得而擇也消息盈虛不可得而加也彭殤生死不可得而齊一也自達生而言之無不曰我於物無滯也而又何校乎然則蕉池積雪之趣固不可以形器求之也求其趣者舍詩無以也余既書伯雨之詩而又書其始末如此至正庚子七月十日華蓋洞著書者饒介

識

余從邇上購元人耕漁軒卷前有楊元載說後有姚少師跋其間題贈詩篇倪元鎮而下皆一時如雷如霆之偉人蓋為太湖大隱徐徐良輔而作者張伯雨其一也

頁居集卷五

三

訓虞道園

一函真籙是遺書想為焚香謝紫虛海上安期分食棗人間長史合懸車泥丸日月存思否華蓋煙峰筆札餘絕歎清詩不埋沒解隨霜葉墜山居

中庭古柏

庭中異柏前朝物銅柯石幹兀青蒼雲壑終憐老蛟臥珠樹獨留威鳳翔月上團陰移覆砌雨餘古香飄近牀支離疏者深根在闕盡世人還久長

馴鷺

子然馴鷺雪霜明下瀨求魚自在行碧玉燈檠雙足瘦白麻衣袂一身輕海鷗見事應何晚凡鳥題門也不情

輸我鴛行舊儔侶舉頭寥廓總雲程

題雪景三香圖二首

春雪無聲入畫堂東風渾似北風涼祗緣何遜題詩少
信是徐熙落墨強青鳥下迎羅幃步蒼髯來近玉臺妝
匡廬也入幽閨夢睡裏山花各自香
雪羽飛來雪意穠國香狼籍暝煙叢倩誰與翦吳淞水
愛爾能吟柳絮風翠袖佳人玉跳脫平頭奴子錦熏籠
劍南畫手看前輩著粉施朱或未工

輓貢正甫經歷

親聞晚歲斑衣樂蓮幕秋風綠水香范氏清名滿吳會
朱公遺愛在桐鄉淮山招隱推奇逸彭澤疏封盡顯揚

貞居集卷五

三言

卻憶去年稱壽日劉梅盛事播詩章

次韻寄答雲門斷江禪師

長眉如雪眼渾遮施食巖前坐瞑鴉壞衲半堆黃木葉
好峰千朵碧蓮花湖山近日重來鶴池館於今足吠蛙
早晚越中尋賀老千秋觀在爾東家

送太祝陳柏口還京師

公子翩翩出太常南來使節擁輝光製器上供清廟薦
聚書內還東壁藏天祿子雲終識字歲星方朔暫爲郎
海鷗零落洞庭野迴首簫韶引鳳皇

龍虎山張一元一宿而去

神翁觀主來相訪旣去猶如夢見之閉戶著書吾冀事

對牀聽雨昔人詩萬竿何與分憂責一物終能繫盛衰
迴首孤雲自天末竹陰涼坐看蛛絲

送瞿慧夫上青龍鎮學官
正之葛陂張天雨皇恐頓首時至元五年秋七月

廿又一日也

送瞿慧夫上青龍鎮學官

青龍江上古儒宮子去橫經作士風當戶九峰春樹隔
去家百里海潮通華亭好事籠盛鶴楚國名碑篆剝蟲
信是青衫如拾芥辟書已在薦賢中

奉題彥清壽母之春草軒

風月無邊家慶裏滿庭芳草綠芊眠謝家得句元非夢

貞居集卷五

三五

孟母遷鄰果爾賢沈橘井中香不斷樹萱堂北翠相連
笑看書帶傳書種箇箇萊衣舞壽筵

彭南陽真人雲窩煉丹之所

石枰棋子皆生路洞室藏書皆隱文誰與解醒千日酒
我來分住一窩雲虎龍金碧親承訣鸞鶴青冥動作羣
莫向鄒忻參火候定知此事屬彭君

吳大宗師岳宮行香次韻

元日朝元迴羽隊東華門外踏春陽還趨岱岳祠宮闕
遙識仙官佩劍香國有著龜金作鑑年登耆艾髮如霜
老人星在微垣內可是人間化日長

棹歌

暇日拏舟出郭門觀風聊采野人言借車踏水半坡麥
打鼓賣魚何處村光陰轉比中年促生聚唯餘西澗繁
正使枋榆安尺鷃又從倦鳥返丘園風雨餘南牖日
華嚴寶次韻段推官觀潮山齋次韻一經夢送雲
雪濤捲入白螺杯雲夢看將灩澦堆陳馬直從天漠落
颶風先自海門來青山一向開銀壁黃繖中央立露臺
好在畫圖留壯觀江頭白首不堪迴火贖

其贈組憐大監賦五

論卷聚書三十萬錦江江上數連艘追還教授文翁學
重歎徵求使者勞石室談經修俎豆草堂迎詔樹旌旄
也知後世楊雄在獻賦爲郎愧爾曹賦以甫之草堂

貞居集卷五

三

請以蜀文翁之石室楊雄之墨池杜甫之草堂皆
重禮列學宮又爲甫得謚曰文貞以私財作三書院徧
論發行東南收書三十萬卷及鑄禮器以歸虞奎章記
其事邀子賦詩如上

趙伯常運使留題澗阿卽席次韻

莫笑坳堂水膠杯泉頭落水動成堆天寒正使蛟龍臥
日短何煩駟馬來策杖東坡靈石鴈留題外史讀書臺
舉觴賓佐風流甚老子遊山第一迴

危君太朴以史事南來搜書風雨宿南碯明日

追寄此詩

布衣走下雲林顛檢閱經史天子筵去豕昔踰半萬里

別我今將十九年
輶軒使者采圖籍
龍門太史行山川
礪阿一宿慰風雨
起視留墨心茫然
早資濟老學齋書
懷寄京師故人齋
香與秋寒入可
手種羣松數尺圍
草深南澗客來稀
一經斷送垂垂老
萬事安排念念非
晨待樵蘇才尋食
涼驚絡緯尙絺衣
蓬萊坊裏清宵月
也到山家白版扉
春容已盡而猶中
臨與蘇李遵道寫
湖石古木共衰翁
百手儘業和歌爾
好石曾聞牛相國
寫竹今唯李使君
能消龍尾一螺墨
與染峨眉半朵雲
瑤草種來秋著露
昆刀藏去玉成文
堂上朝來有佳氣
淮南獻壽獨殷勤

蘇大蘇趙彥輔雪圖

貞居集卷五

七

清才絕似玉摩詰
愛向高堂寫雪山
華蓋洞中如屋裏
赤闌干外是人間
瓊樓祇只飛仙住
珠樹應留織女攀
莫信寒泉傷玉趾
最宜清暑聽潺湲
晨興陡覺詩神王
未放韶華覺長雄
聊與梅枝說歲窮
眞成古木共衰翁
百年動業何煩爾
一世雲山不負公
寒夢漸消窗影上
春容已在雨聲中
早從衡岳端居室
晚愛蓮峰宴坐齋
香象時來雲入戶
鉢龍戲處水浮階
重重草坐閒收足
歷歷松風妙寫懷
亦欲遠游參半句
無人爲我繫麻鞋

萬竹亭
高懷思得去人羣馬馱沙頭竹似雲亭子當江偏窈窕
主人遮道故殷勤日中見斗青霄立月下吹簫碧洞聞
滑州自足封君擬未數零陵萬石君

次韻虞公和斷江和尚種松
松下微吟愜病悰支離潦倒似支公頂因巢鶴翻成結
心爲依禪畢竟空陸子擅前春古淡葛洪井上雨青蔥
茯苓乞與楊員外誰復緘詩過剡東
東雲遊華藏寺
湖上亂峰如髻鬢湖邊才子駐金鞍霜餘鸚鵡沙汀淺
日落麒麟墓道寒古壁風篁無盡意清尊雲海有餘歡

貞居集卷五

五

遠遊未羨鴟夷子直向飛仙乞羽翰
次韻韓伯清見寄之什三首
連雲溪水出具區連雲莊叟得自娛高齋松月足吟嘯
濁世詩酒忘榮枯我無丹砂鍊金液君有田土成膏腴
儻能種秫遠相致與爾日醉壺公壺
卜居海上僅三年春日繁華思遠天練水澄清宜釀酒
溪魚鮮美不須錢欲將野艇尋幽賞多謝雲山作勝緣
寄語風流老韓子定須禊日過莊前

閒尋芝朮保餘年信是神仙別一天避地有書能教子
窮居無術學飛錢桑麻繞舍田園計竹素堆牀翰墨緣
慚愧長沙每招隱時臨車馬到階前

次韻陸秀春日幽坐
新塘雨餘流水新隔窗看花如美人晴絲冉冉墜復起
幽鳥嚶嚶嗚更頻自憐華髮在海嶠誰有野服隨山民
故園荒穢久弗治且復飲酒從吾真
時光瞥眼未須驚如踏磨驢陳迹行月建重書夏小正
雪殘猶見臘嘉平空疏城邑夜濤響散亂鳧鷖春水生
莫爲息交疑絕物祇緣浪迹遂逃名
題春溪曉渡

貞居集卷五

五

臥遊已愜平生志深負牀頭六尺藤

花朝無花也可憐桃李矜持不作妍懶聽雨聲眠白晝
夢乘艇子上青天閒居尙口浮雲志老病難趨卜夜筵
絳帳先生唯寂寞後堂自理琵琶絃
和倪元鎮寄鄭有道

失喜聞遷水竹居一篷煙雨正愁予便思襖被熏金鴨
要看臨池洗玉蝾絳帳後堂聞女樂青帘畫舫載圖書
虎頭食肉還公等首稽晨餐自有餘

閩州瓢

閩州瓢是仙家具壺領仙人遠寄將凍芋抽萌元自短

鳳簫排管未成行
匏尊甚大浮江海
斗柄空長挹酒漿
樹響風聲非外物
許由何事不相忘
玉聲試叩極清圓
琢就魚形也可憐
前日泗濱求樂石
異時堂上奏宮懸
師襄入海誰從問
荷蕢行歌老更顛
法駕前頭親導引
鳳鸞音節若爲傳
鐵面那知是木腸
髮毛無復舊蒼蒼
鍊形千歲徂徠老
洗髓三生琥珀香
大節堅完餘鶴骨
長虹光怪奪砂牀
白羊臥護金華洞
不屬牛家甲乙藏

惠山詩惠山贈孟宗鎮

貞居集卷五

罕

惠山西礪多喬木
望見茅堂在水濱
鄒嶧世家猶閱閱
春申祠宇足比鄰
深林暝色牀敷煖
微雪朝光戶牖新
不爲茶經求陸子
端從蓮社拜遺民
耽耽千柱壓城西
西祀祠官倏忽歸
莫把瓊芳迎太乙
朝陪羽仗謁凝暉
白雲青嶂天機熟
老樹顛厓目力微
敷寫樽桑朝日暈
天光傾向紫金衣
和僧遊西山

我愛飛來與靈鷲
空洞嵌巖爭穴穿
壞衲深依蕭寺住
老猿寒抱白雲眠
百年山中皆樂土
二月江南唯漏天
遲晴一過繚經室
肩爲挈壺從幻仙

與說圮橋父老書花外飛丸紅叱撥月中采藥白蟾蜍
殘骸儻有刀圭分會向南山覓敝廬

段宰吉甫金壇迴舟有詩次韻

不肖折腰彭澤令清風留與後千年雪殘鷓鴣人迴首
路近蓬萊風引船故篋書隨朝服解老梅枝映燭花然
天下奇才段公子未應歸問酉陽田

趙伯容入都

翩翩濁世佳公子玉立身長要羽衣野鶴樊籠那肯住

鯉魚尺素莫教稀入分字許千金直萬斛舟隨五兩飛
對御談玄能事了明年春草約來歸

僧擇中送龍翔遺書泐東回求詩

貞居集卷五

里

大夫公有遺書札送得玄沙白紙來飛錫應真攜眾接
燒香侍者折封開繞渠薜荔牀三巾進我胡麻飯一杯

已是人間觀小劫麒麟高冢盡莓苔

春日春陰八日雨溪頭第一番春船山中唯知許史貴

我輩還同李郭仙長夜詎能勝樂酒獨醒亦復廢清眠
才情亦讓張從事白雪貞松取次妍

得崑山石

昆丘尺璧驚人眼眼底都無嵩華蒼隱若連環蛻仙骨

重於沈水辟寒香孤根立雪依琴薦小朵生雲潤筆牀

與作先生怪石供袖中東海若爲藏

鐵厓先生輓詩三首

鐵厓先生捐館雲間僕知之晚弔送弗及每歎於懷其門生性初劉徵士比來杭出視所哀哀挽詩不具文盈軸盡發揮其幽光先生可謂不死矣僕因性賦初之請賦長律三首附諸卷末異日性初過于山園墓下尙爲予一些之歎異昔朝青鳥歸書亦以盛唐文翰晉風流紫陌看花屬俊遊曾賦常旂輝日月固知史鉞本春秋鐵龍韻咽捐瓊館金馬才高記玉樓立雪諸生多入室過庭何必問箕裘東山題其墓瓊林錫燕羨芳年晚歲人稱鐵笛仙佳翰頻揮范素筆新詞長滿薛瀉箋酒壚有客誇浮白書閣無人繼草立

貞居集卷五

望

愧我同遊復同里何由掛劔墓門前疇昔相逢玩歲華延賓東閣興無涯杯擎掌上金蕉滿筇按絃間玉柱斜北海高風眞自惜東山明月落誰家絕憐一枕春城夢飄謝海棠無數花金瓶木高晴玉對

雕楹藻井碧參差甲第更張異昔時青鳥傳書花似霧羽人濯髮水平池東階草壞玉姬輦北峙燈分太乙旗不見湘皋堯姪女衣裳龍種畫荒祠不哭矣對因對

壬申元日試筆二日立春

熙寧七年甲寅正月二日立春東坡過丹

天壇庭燎燭層空

映我掌中椒酒紅故舊離羣霜木後

光陰獻歲坂輪中丹陽誰憶魯元酒濁世尙容張長公
鬚鬢明朝年五十長松白雪領春風

秋雨歎

苦雨淋漓秋十日窮閭敗壁早傾積水飄蟋蟀離羣去
風捲蠨蛸入戶來老病空桑誰裹飯匳才杜牧且銜杯
江頭戰艦從橫上總畏洪濤不樹桅

極知聖主勤勞意北客時來與接談上國豈容吞百二

黃河直欲汎東南隱淪遠世憂何補詩酒逢人病不堪
頂髮數莖俱脫盡著冠多謝玉爲簪

疾起示同友

貞居集卷五

器

藥裏扶吾甚矣衰牀頭空有影崔嵬皮毛剝盡真實在
滓穢日去清虛來在踏人間多事土自觀身內不然灰
問渠靈石山頭路看得餘年走幾迴

題學士

磨淨慈本堂上人詩後園道容百二

永明湖上無波浪華蓋峰前少送迎一味難酬枯木句
百年終負白鷗盟茅岡有路空惆悵鐵塔無言獨證明

賴有阿師親薦取莫將翰墨換連城

題孫叔明映雪齋

兼簡孫元寶

欲談映雪齋中事擬向雲間一再過生白定知虛室妙
殺青唯積古書多吾伊寒夜須勤讀欸乃空江亦浩歌

閉戶先生應一笑快呼燈燭飲無何

晉卿黃公以祕書少監四品致政繼以三品學士召入朝未幾升侍講三品乞身而歸足爲近代希有之盛詩以贊之云

今日所蒙稽古力從容請老謝朝簪四人調護無榮祿二老辭歸有賜金竹簾風涼閒話久桐江酒綠壽杯深懸車早晚重遭遇盛事流傳與翰林

黃公既歸予以詩贈公既有作未幾使者乘傳

趣召予復用韻以餞別

狂生出語成詩識未老得閒終不閒今古誰爲了事漢朝廷原重道家山姓名難置徵求口寵辱猶驚幻夢間回首金華紫煙客九霄飛佩若爲攀

貞居集卷五

星

答廬陵陳仲見題石船禪松

短短松身倚石船閒能縮地便談天十分月色臨灣日萬一濤聲到枕邊載酒人稀徒好事采詩官廢失編年風流只數陳驚座七字吟成似內篇

次韻許明遠大滌山秋夕

書卷重披未要休使人逸興頓飛浮半牀仙枕三更雨一片松聲萬壑秋子和欲聞鳴鶴騎我來方借待仙樓邀將天柱峰頭月不算詩籌算酒籌

至大四年與僧暢文溪和千巖翁遊長耳院之

作於是三十九年矣適觀喻氏錦溪門發興爲

題一詩圖右今至正九年其子謹思請題

曾和千巖五字詩千巖翁宅樹成圍向來王謝所遊歷
爲問人民今是非日莫柳溪維酒舫風晴花片埽漁磯
淵明有子能招隱著我東皋一振衣

寄山中隱者

山中高士眼如漆落落意氣非常羣掉頭不數蘇季子
坦腹獨稱王右軍東都近來有新築北山久矣無移文
明日城南一相見依然歸去臥松雲

貞居先生文集卷五終

貞居集卷五

吳

題曰城南一相見依然歸去臥松雲
此與蘇稱王右軍東都近來有新築北山久矣無移文
山中高士眼如漆落落意氣非常羣掉頭不數蘇季子

寄山中隱者

曾和千巖五字詩千巖翁宅樹成圍向來王謝所遊歷

爲問人民今是非日莫柳溪維酒舫風晴花片埽漁磯

貞居先生詩集卷第六

七言絕句

京師答薛玄卿二首

重重城門亂煙花只擬將身乞酒家
試聽御溝冰下水可憐汨汨度年華

無塵棊几似江南更借甃餽煖莫寒
誤作山中伸腳睡舉頭見日是長安

次韻劉師魯吳山清暉亭三首

鳳去簫韶空隱隱鶴棲臺殿舊層層
浮雲立盡千秋雪誰倩風鈴說廢興

萬瓦連雲人世窄一雞啼日海波紅
欲窺倒影青冥外

貞居集卷六

故著危亭紫翠中

故山茅屋破仍敲惆悵西風日夜吹
今日偶來高處望巖家亭上立多時

水仙

環珮無聲倚碧瀾馮夷聊與度春寒
木蘭墜露何人得待和金盤玉屑餐

臘梅

商略羅浮水月鄉論資也合弟黃香
蠟珠誰與僧虔戲綴作斜枝小鳳凰

湖上莫歸答吳養浩修撰

吳時止酒

樓外鴉啼莫雨微歸鞭斜趁落花飛
若教禿鬢翁能飲

有羨山人倒載歸

林木題楊補之墨梅二首
爭笑華光白尚玄
吮香指墨澆天然
誰知玉匣雙鉤法
解作冰花鐵綫圈

寒香飛下桐江水
水草棘荒臺不似春
推起簾篷驚半面
清風堂下斷無人

野桃花中

野桃無語最含愁
若箇林閒得放牛
比似落英歸糞土
不如流水出香溝

東風惡三衢溪中
大溪中道放船流
船壓山光瀉碧油
三百里灘敲枕過

貞居集卷六

二

買魚醞酒下嚴州
東風惡劇雨飛花
篷底春寒水漲沙
蘭芷溪香小迴首
不降晴雪是金華

果道飛流山翠重
杜鵑無語杜鵑紅
歸人背舸貪新水
渾墮丹青便面中

東風草舟行義興
泖練湖訪王子敬

青山一帶玉鈎連
風緊雲輕浪拍船
人在高樓應指似
南陵江上杜樊川

春樹尚含香
林木渾將螺黛施
朱朱白白上花枝
三年刻楮知何用
不及春工老畫師

春禽

住處山深禽鳥多
關關好語戲庭柯
絕憐子野才情減
偏聽歌聲喚奈何

春耕

黃四娘家水隔陂
插秧高下綠瀾瀾
壺漿稚子看牛鬪
卻過田頭午餉時

春燒

日落前山野燒生
白茅黃葦地初晴
明朝卻賦雉帶箭
呼酒岡頭看火城

春衣

已折天吳歸短褐
誰憐草色妒宮袍
君看白苧無裁製

貞居集卷六

三

羞殺美人金錯刀

春酒

雲度青天落酒杯
花枝半拂角巾摧
陶公醉石蒼苔滿
不見猖狂李白來

春菜

土甲離離宿雨痕
畦蔬小摘當盤飧
紅綾餅餽殘牙齒
合向巖頭嚼菜根

春藥

紫甲紅芽玉滿闌
時分花雨潤斑斑
茯苓可來歸籠
遠志從來不出山

燕口洞

巖扃岫幌杳難期欲寫黃庭寄所思誰信碧桃花落去
丹砂空浸漚麻池

鼠閣寄馮子振待制附天目僧過廣陵東
天目峰頭一鶴迴白雲持贈當寒梅瓊花觀裏開包處
寄得玄砂白紙來

三都一序爭傳賦借重西州皇士安慚愧由圖經品藻
苦心留得後人看

昨日淮南召入公揚州擬看醉圍紅賺人雞犬雲中去
策轉江頭控鶴童

龍虎山鄭良楚來從劉宗師入京

自送三峰鸞鶴羣更憑谷口喚夫君莫嫌病臥牆東叟

貞居集卷六

四

留得長纜管白雲更欲谷口喚夫君莫嫌病臥牆東叟

金鯉魚漢武來金鑄宗朝入京

丹砂龍子赤如日一斛海水眞金芒我欲騎之上天去
引得風雲來繞牀得此酒樽珠網入蟻穴觀中志

苦心留李商隱學仙

誰云有分不關情淪謫千年爲底名消得羊權火浣布
詩中惟數玉溪生

大目執惠山前小樓名樓碧霞裏琳瑯亦購吳閶守
眉間翠氣潑山光螭日銀瓶取水嘗行盡東坡濯足湖
無人知道北窗涼

吳興道中四首黃風清浪思誰言與林亦落去

晴港陰厓乳犢眠涼風綠鬢颺煙埋名慚愧蘆中老
坐閱江湖逆順船掛帆風捲灣碕半折蒲意行弄水不嫌迂筆牀正掠鷺羣過
疑殺山陰染翰圖畫眠溪大樹不見日牧鷺小兒兼釣魚南風相送玉湖口
舟子飯時吾讀書綠扁舟吾趁采樵風題扇書看莫惱公何處人間無六月
碧瀾堂上雨聲中元元統元年冬十一月句曲外史菌山巢居成製
崇元館主在齊梁迺有元之吳郡張相望八百四十載

貞居集卷六

五

我居鶴臺如故鄉

事見九錫碑

望見飛簷松杪花下盤陰洞石聲牙老樵迷路疑相問
若箇江東道士家

風水所言惟理氣眼明此術未全疏景純解道遊仙句
信是青囊有異書縹緲洞庭連白雲綠橘黃柑能見分昨日扁舟尋好事
縹緲洞庭連白雲綠橘黃柑能見分昨日扁舟尋好事
明年處士比封君谷中僅僅一庵住壇上纍纍白石陳杖隨流水過鄰舍
席與長松分主賓

但倚茅君爲座主徒稱外史作官街道家六經發願寫

深向石頭藏一函

屋壁置書碑版多白虹光怪鳳皇阿看到空山十月雪
竈突無煙柰爾何
擬借山中步障錦與作天下庇寒裘三尺窗櫺萬株木
那怕霜寒到上頭
只有天公終可倚我作巢居名倚天未必高居無事業
負日讀書兼打眠

龍虎山中薛玄子瓊林築臺詩亦工應接菌山聊爾耳
非關千里事同風

李遵道寫蟠松

樹木何知曲全意世人莫怪支離形中茅嶺上蒼髯叟
臥護東南半壁青

真居集卷六

六

小景幀

茅屋蒼苔向渺瀰羸牛點點隔荒坡平生慷慨歸田賦
未必蘭茗翡翠知

松下淵明爲鄭明德作

歸來不爲督郵輕自爲松根長茯苓博浪金椎拈不起
倚鉏卻讀相牛經

次韻答薩天錫見寄

推敲指點據吟鞍苦爲按詩夢不閒誰會鳳皇臺上意
手按黃菊看鍾山

寄題陳生華山圖二首

西祀曾經箭筈天雲臺石室故依然雪驢嗅地鞭不起

一笑太平三百年

華岳秋高不受寒
虎頭粉墨意蕭閒
赤城別有思仙夢
長在明星玉女間

海粟松雪酸齋雜言一卷戲題于左

長沙老筆混狂瀾
刮耳鷗波點素紈
翰墨風流作三笑
最憐白苧一生寒

凌波仙 三雨芬華日圓香零密盡王將

春雲如水碧粼粼
誰見浚波襪上塵
洛浦湘皋都是夢
手中花是卷中人

吳興墨蘭 齋草木子中

墨君石友是同參
幾葉光風染碧嵐
偃望王孫杳何許

貞居集卷六

七

年年芳草滿江南

曩讀葉靜齋草木子中一條云趙仲穆者子昂

學士之子宋秀王之後也能作蘭木竹石有道

士張伯雨題其墨蘭詩曰滋蘭九畹空多種何

似墨池三兩花近日國香零落盡王孫芳艸遍

天涯仲穆見而媿之遂不復作所記與此詩意

正合而集中無之因附見于此噫鐵厓之悲不

其然哉石樓野生漫識于芳墅谷中

李遵道溪山春曉圖

誰寫江南雨後岑
清寒空闌撲雲林
何當載我圖書去

共試野航春水深

爛柯圖

一局殘棋爛斧柯山中日月竟如何歸來記得神仙著
不比人間局面多

詠梨花

折得瑤花第一枝清明時節寄他誰絕憐天上無真色

號國夫人淡掃眉

偶成

黃篋樓中枕書臥雙鶴交鳴驚夢破青天墜下白雲來

卷簾一陣楊花過

御史入山

喜聞宰相入山來急喚山童掃碧苔雲鑲洞天三十六

貞居集卷六

八

樓臺一一爲君開

讀臨川集

班馬文章老琢磨咎夔心跡半彫訛執鞭願作鍾山吏

一袂字書隨白驪

春水

雲消巖溜住灣陂便有微瀾作砂瀾時見幽人來照影

蕭梁臺畔立多時

玄洲獨坐偶成

簷外青蔥玉樹排小山叢桂近當階出雲好看鸞輪頂

雲出鸞輪忽被埋

墨海棠

漢宮愁絕冷煙枝一蘸鉛郎兩鬢絲甲帳夜寒銀燭冷
六銖雲帔獨來時

蘇東坡書蔡君謨夢中絕句三放營妓絕句三虞
伯生題四絕於後真迹藏義興王子明家要子

次韻九首

日將公事湖中了醉入重城列炬明自古大藩財賦地
古人偏得賦閒情

謝女嬌吟雪比鹽北臺馬耳見雙尖衲衣政索歌姬笑
不道春寒繡被添
寫韻軒中塵不驚與誰同躡鳳皇翎采鸞可惜情緣重
只合清齋寫道經

貞居集卷六

九

釵頭新綠荔枝紅那與江珧色味同聞道端明新進譜
一時殿閣起薰風
香辟春寒玉辟塵流蘇斗帳醉和春一雙明月都無價
寂寞人間第二人
江南春盡水如天浪迹先生不上船近就闔閩城下宿
可憐霜月夜娟娟
青城樵者一衰翁寫罷烏絲滿袖風消得玉堂金研匣
至今傳入畫圖中
聽碾龍團怯醉魂分茶故事與誰論纖纖玉腕親曾見
祇有春衫舊酒痕

自公種竹蘇公柳談笑功名後世誇依舊野雲三萬丈

斷橋誰與築隄沙

一枝石瘦如麟角六出花開似麝臍隨意莓苔一杯酒也勝騎馬聽朝雞

題顧定之竹石

龍孫乍脫襖兒錦石面都皺彈子窩畫妙通神欲飛去虎頭癡絕柰渠何

李仲賓雪竹

斷縑黯淡何人墨四十年前老薊丘向使戴家多種竹雪中那肯便迴舟

吳興道中

貞居集卷六

七

書淫畫聖王孫老雪豔沙明湖水清黃庭不用鶯羣換也許山陰道士迎

李煉師雲開庵

朝隨飛鶴出簷端倦鳥紛紛莫與還若似山居無用者此身政不羨雲閒

溫日觀葡萄

日觀一飲西涼酒解寫葡萄絕代無請師截斷葛藤路還我黑月摩尼珠

桂枝詞

桂樹叢生枝婀娜糝粟黃雲欲成朵熏醒秋衣懶下牀金蟾鬪斷燒香鎖

書道童總管贈蔡霞外詩後
多病潛夫懶入城旋營草閣看陰晴竹宮桂館花繁處
乞與霞仙爛漫行

王好客新居快雨戲筆
旋埽林扉一榻橫綠陰幽底水紋平閒眼愛殺荷溝雨
玉磬池邊無此聲
子昂墨寫萱草

碧浪湖頭翰墨香山蜂游趁午陰涼戲拈小筆塗幽草
正自無憂得可忘
林泉高士圖

我本玄真老孫子意託綸釣相娛嬉浮玉山前一瓢酒
真居集卷六

頗恨時無顏太師意
禱陽琵琶圖

五幅畫屏秋月圓荻花楓葉染江天江州自是無司馬
多少琵琶上別船
馬遠小景二首

柳未藏鴉雪未消春衫游子馬蹏驕去年沽酒樓前路
錯認桃花第一橋
玉砂卷海白模糊千樹梅花埽地無彷彿水仙祠下路
金枝翠帶不勝扶

葛嶺新居
鶴洪川上有餘地善和里中無故書爲惜人閒秋水觀

及見官奴把燭時

樓居春曉望玄圃

時寓杭州開元宮

子晉新宮倚太霞繞湖煙火萬人家觀臺一面無人處
日出煙消都是花

四賢帖 有序

四賢者伯長袁侍講伯庸馬中丞伯生虞侍書時
中劉待制玄卿裝潢手書成軸命予題識遂即虞
公絕句韻書於後

四明狂客已乘雲海內文章有二君可惜戴華劉伯壽
只今零落鳳皇羣

月夕愛南窗竹影

貞居集卷六

三

兩叢小竹南窗下露葉風枝共秋夕月明見影忽自笑
移得王維鳳翔壁 自注云王維於鳳翔寺畫竹二壁

李士行枯木

兩株蒼柏如蓬首皮毛剝落心不朽曾見春風春雨來
相看喚作忘年友

仙山樓觀圖為馬仲禮作

憶共能書蔡少霞良常洞口看桃花人間詩酒耽迷了
三百年來不到家

張公甫鐵山隱居圖

鐵山曾照鐵衣寒南渡功名有足觀不見元豐全盛日
錢鏐孫子已黃冠

隱居圖

畫橋相餉過溪東
縞袂青裙笑語中
何必桃源尋舊路
太平閒作祝雞翁

趙魏公寫生梨花折枝

玉面渾無獺髓痕
春風洗綠上飛裙
遙知姑射山頭雪
化作楊君夢裏雲

張仲敏鉤勒風林

墨君神駿出洋州
形似無如老薊丘
可惜風林半窗月
試憑老眼爲雙鉤

鶴山書院

寂寞茅堂晝掩門
藤陰花氣小池渾
也知建業青精飯
不到臨邛白髮孫

貞居集卷六

七

覺林院

石湖園中數株石堆
向覺林僧子家眼前
醒醉若無語
領客繞庭唯看花

歸自雨中寫況寄景修博士

蛙處水連圍屋草鳩時
雨爛覆簷花移過書窗
金鵲尾
祇言渾是野人家

葛嶺東樂閒高士并寄公文道第

葛洪井上訪貞居
一飲甘泉足自如
拂袖莫嫌狂散甚
子非知我我知魚

次韻沙刺班郎中題襄陽官舍

峴山日落春風起竹鳴湘桃零亂開倒著接羅馱瘦馬
無人知道使君來

葛嶺雜書

小娃小艇無蹤迹只有荷花雨濺裙淨洗一方天水碧
不教歌版汚游雲

仲敬畫華陽草堂圖

珠樹風來學鳳鳴玉泉雨過作琴聲識得良常洞中路
前生我本山立卿

遵道竹枝

篔簹谷日白雲生雲裏琅玕萬玉聲驚破幽人春枕夢
一窗斜月半梢橫

貞居集卷六

十五

避暑圖

雪藕冰盤斫鱸廚波光簾影帶風蒲蒼生病渴無人問
赤日黃埃盡畏途

徑山寺僧山水

澄心蠶紙墨花香上有元暉古印章怪底徑山山寺裏
老僧衣袖著瀟湘

白无咎黃蜀葵

金銅仙人雨中立鉛淚恰如解漢時傾心脈脈何所待
願見白日光陸離

修竹士女圖

空谷佳人玉珮瑤琅玕斜搭領襟長杜陵野老多才思

解道風吹細細香

墨杏花折枝

折得鄰牆紅杏枝
春風偷染墨臙脂
恰如誤入仙山路
虎嘯林深月暗時

題拜石圖

一代清狂海嶽老
世間簪紱更須論
卻憐种放樵夫拜
不到奇章宰相門

來鶴亭

華表歸來舊令威
好風將夢上天飛
緱山借與浮丘伯
一曲瑤笙月下歸

來鶴亭卽席賦

貞居集卷六

六

草堂孤鶴駐樊籠
忽有鸞笙下碧空
待喚羽衣相向舞
呂家園裏看春風

題鶴亭所藏馬圖

九霄天馬俱龍種
四十萬蹄雲錦斑
一自漁陽鼙鼓後
不知幾箇到驪山

茗溪草堂

傳語幽人范叔豹
霧隱何時窺一斑
天下草堂隨處取
無此玉湖浮玉山

鯉魚

桃花鱖魚世常有
蓴菜鱸魚浪得名
試喫江南鯉魚尾
侯家無此一杯羹

題授經郎獻書圖

侍書愛題博士畫日日退朝書滿牀奎章閣上觀政要
無人知有授經郎

湖州竹枝詞

臨湖門外是儂家郎若閒時來喫茶黃土築牆茅蓋屋
門前一樹紫荆花

初陽臺

初陽臺上新亭好一曲笙簧石壁開驚起玄真狂道士
步虛飛下玉清臺

西湖竹枝詞

光堯內禪罷言兵幾番御舟湖上行東京鄰舍宋大嫂

貞居集卷六

七

就船猶得進魚羹

贈筆生沈君實

玉堂弄翰青錢選聞道吳興屢出奇何事君家苔蘚壁
醉仙留句只榴皮

揭學士過武康山中十日薛外史江東未至孤

坐子因戲筆破悶二首

南嶺行香揭夫子歇馬走入計籌山杜尊師去白石在
翻動琳琅翰墨閒

一杯愛渠蒸蕨香一盤勸我苦筍涼飽食翻疑得詩瘦
不如頓頓地椒芋

宿天申宮二首

借渠靈壇一枝竹穿雲度險不須扶爲尋石榻蘿衣字
執火照徧青珊瑚

藥苗松菌紅斑斑綴風煙俎豆間藍輿三日半醒醉
春雲只戀銅官山

題墨蘭

滋蘭九畹空多種何似墨池三雨花近日國香零落盡
王孫芳草徧天涯

贈龍門恩公

恩公昔住天平日林下相迎壞色袍行到龍門無腳力
右肩徧袒喫櫻桃

金蓬頭先生畫像贊

貞居集卷六

六

聖井山高日上遲采雲甘露碧淋漓下山拾得一莖草
不見庵中金老師

明德游仙詞十首用天柱山傳來依韻繼作雲

林道氣者觀之亦足自拔於埃壘矣

丙戌四月二十日

白玉之盤滄海東蒼蒼下視遠如空請看端正山河影
不滿劫堂杯中水

鴻寶枕函雲積疊芝臺爐火煖氛氲子能試喫青精飯
我亦聊書白練裙

夜久扶桑海色分珠宮望拜赤龍君洞庭未省君山在
元是昆侖一朵雲

藤蘿石上尋長跡金粟圖中見小身抖擻幾重衣祴看

情知不染散花人
厭見霓裳舞廣庭
罷看三十九章經
道人腰著金鴉觜
自向松根洗茯苓
左股清池足漚麻
池中肥水是松花
早知魏帝一丸藥
肯作東門五色瓜
恥作深山服食仙
佻毛洗髓固依然
木蘭墜露研朱寫
只寫南華秋水篇

脚底琴生三尺鯉
袖中阿母一雙桃
別時勞動凌波襪
爛月如銀照夜濤

眼中自小薄蓬瀛
日月雙飛下始青
玉女明窗塵彷彿
定知草創大丹成

貞居集卷六

九

玉格金科自有期
赤城何待遠尋師
壁梭也解爲龍去
樵斧如何只看棋

題黃氏林屋山圖

毛公壇東消夏灣
佳城鬱鬱萬松閒
寫成圖畫傳家慶
白鶴千年去未還

題郭天錫畫卷三首

曾是書經三昧手
省郎何許獨多才
不知公子香奩裏
那得米家煙雨來

林閒風雨避藍輿
城頭鼓聲知有無
只消深淺屏風疊
題作蘇郎詩意圖

鄭川王孫厭世去
大滌仙人天台還
醉戀瓊華張學究

未應夢到小雲山

題雲林春山嵐靄贈仲章沈君

至正九年三月一日

秀出雲林畫未乾一峰天柱倚蒼寒
玉人只隔輕煙靄三尺圖中正面看

張叔厚寫淵明小像

歸來三徑一年秋自是羞看爾督郵
王弘斗酒何爲者不見南山不舉頭

商得符李遵道共畫竹樹

壽巖樹石黃巖竹善畫如今最得名
更得二君同一幅千金酬價尙嫌輕

顧宏中畫韓熙載夜燕圖

貞居集卷六

三

絳燭金杯滿席春紅妝鼓舞樂逾新
堪憐此際歡無極豈顧堂前有瞰人

趙吳興秋江待渡圖

郁木坑頭蕭侍郎負薪歸去趁溪航
解包席地彼誰子日莫途窮話尙長

聽琴圖

裊煙石壁對孤桐與和長松瑟瑟風
不爲野夫清兩耳爲君留目送飛鴻

史局先生示以季境京師贈行卷輒題一絕

校書苦惜青藜杖下馬笑拈金屈卮
好是淮南師弟子錢塘相見落花時

雪圖絕句

貌得王維三尺圖，姑山無此雪肌膚。瓊臺玉榭參差是

只欠芭蕉一兩株。

立覽堂絕句

簾櫳低亞小梅枝，快雪時晴綠滿池。鈴索不搖鸚鵡睡，客來假寐亦多時。

殷勤老去惜年華，白晝張燈綠幕遮。吹遍玉笙天上曲，

空將列炬照林鴉。

汪復心遣姪彥維自歛求詩

復心年入十餘矣

汪倫自愛桃花水，張翰只思蓴菜湖。九十山翁莫相惱，

題詩元沒得工夫。

貞居集卷六

主

三香圖

凌波仙子塵生襪，空谷佳人玉鍊容。不奈天寒風露早，日高猶傍錦熏籠。

南真館池上橘花

花攢嘉樹雪鬚髯，遮斷蓬山小朵青。報答風光先醉去，禮香吹過卻全醒。

仲穆蕙花

空谷佳人絕代姝，粉披翠袖不勝扶。金瓶芍藥三千朵，合讓光風轉蕙圖。

歸自天柱山招樸庵僧

仙人住近餘杭姥，得酒攜瓶上野航。踏雪能來傾一盞，

風流不減在餘杭

白雲半閒

陶隱居別號外兵

白雲住處不曾扃
割取西偏著外兵
伸腳三條椽下臥
任君裘蓋洛陽城

殘梅

皎皎當窗萼綠華
滿懷幽恨付而家
春風春雨恩恩去
一點殘香啄莫雅

謝僧送柑

肚能緊束三條篾
手亦親栽兩顆梨
珍重黃柑三百顆
好山都在洞庭西

晚句

貞居集卷六

三

白足過橋三峽雪
蒼頭吹笛滿林風
狂風也有凌霄意
飛上松顛爛漫紅

課山奴竹林采筍鞭煮食

疑有鮮卑奴過此
玉鞭拋擲向泥中
長鑊爲我入竹去
晚飯篋管也不空

觀友人所藏古墨

雪堂手劑不可得
色如點漆黯無光
安得一丸歸我室
臨池賸寫十三行

題理妝士女

誰見新妝出繡幃
辛夷花下六銖衣
莫教蜂蝶知蹤迹
閒與鄰娃鬪草歸

題沈香山圖

珊瑚鐵網枝柯爛沈水假山煙霧濛甲煎相和作庭燎
奢淫龜鑑畫圖中
題李遵道竹

閒步楓人嶺上來蕭然衣袂惹莓苔只因誤向東樓醉
又爲黃巖夢一迴
題李遵道古木圖

豪渴墨腴風雨足絕憐長釣拂珊瑚靈和殿前好垂柳
冑來相伴撼拘株
題蒼萄花錦雞圖

六出花繁幽陽靜雄雌聊戲竹閒雲楚人重價山雞得
貞居集卷六

只爲宵中錦繡文

三

題商德符秋山圖

雲擘蒼厓瞰草亭飛流如雪照巖局素琴不是便山水
要舞胎仙獨自聽

題許飛瓊古木圖

寫韻采鸞騎虎去吹簫弄玉跨鸞歸昭華玉瑄青天上
好在飛瓊獨自飛

題吳綵鸞

小點紅鸞寫四聲於菟何事載娉婷不如相伴騰空子
來往匡山九疊屏

錢塘醉歸

湖上雅嘯莫雨微歸鞭忙趁落花飛若教禿鬢翁能飲
眉羨山人倒載歸

三香圖

秋水爲神玉爲骨山礬是弟梅是兄國香零落王孫遠
依舊江南春草生

題顧定之竹

毗陵參軍顧定之爲予醉掃風竹枝參軍久留坐深夜
要看官奴秉燭時

題文與可竹

伯仲唐人蕭協律政爾奴隸王黃華三百年閒一枝玉
石室往矣令人嗟

貞居集卷六

三

題倪元鎮畫

爲覓高人梁伯鸞遺墟井臼已彫殘天寒日暮一瓢酒
采藥行蹤卷裏看

題張溪雲畫鉤勒竹

爲愛風篁手自摹不煩把燭倩官奴須當白戰篔簹谷
羞殺江南沒骨圖

題趙善長小景

口口仙雲小鳳池朝來翰墨有光輝湘湖爲愛屏風疊
夢趁秋湖夜夜歸

衛青玉印

公主家奴尙公主刻玉姓名奚足多爲問任安門下女

大將軍印復如何

雲槎軒壁

米家書船虹貫月得似雲槎一小軒閱世浮雲坐枯木
此生何必窮河源

餞陳子原赴官台州

寄語天台馬子微金堂玉室未成歸此行卻羨陳夫子
瀑布巖頭攬布衣

題調馬圖

新進驕騮步未勻風塵馳驟乍離羣奚官老臂千鈞力
不許飛騰去籥雲

漢銅馬式

貞居集卷六

三

曾同避世東方朔此馬見之金馬門一自露盤辭漢去
銅駝荆棘幾消魂

題看雲圖

亭子荒涼竹樹根隔溪遙見白雲屯坐我捫蝨談何事
著我青山酒一樽

題趙松雪畫竹枝扇面

阮咸障面如團月誰埽竹枝團月中識得吳興有聲畫
爲君箕踞寫松風

倪元鎮小幅林石

誰可米顛相伯仲風流還只數倪迂應將爾雅蟲魚筆
寫此喬林澗石圖

王叢隱寫水仙

剡藤政索山隱畫月佩風裳滿眼飄記得年年春雪後
金鴉鶯鬪水精苗

織成仙山圖便面

鮫室冰絲翠織成胎禽珠樹儼長生采雲小隊霓旌節
曾伴紅鸞扇影行

金人出獵

小隊鳴笳曉出圍地椒狼籍獸應肥上皇久厭腥羊粉
故遣蕭郎擊豕歸

登善精舍葺治苟完賦七絕句

故山破屋誰來補辛苦經營拾燕泥幾樹梅花相送老

貞居集卷六

三

不消更著子規呢

澗中采石重鋪逕坡上移花小築墩深結雲嵐爲保障
贖培松竹當兒孫

梓柳都移五十栽稗松千箇綠陪聰旁人莫笑千年計
萬一他時化鶴來

就暄前坐開陽室北牖來乘水洞涼憂世何關吾輩事
有時蒿目據胡牀

玉鉤橋水如凝碧纔過牀頭瀉瀑雷恰是東風太薄劣
逆流花片出橋來

故向山椒冠小亭諸峰收拾入簷楹行人指點藤蘿外
不道薔薇澗底生

一生坎壈不稱意，政似此春風雨。天稍使桑榆見殘日，也勝中酒過年年。

松水

松聲漸颯如斷水，水紋粼淪繡松聲。松閒水止澹無事，卻是春風娛我情。

風涉當江沙

冰底沙流曉未枯，前驅探測似疑狐。篋輿飛上圖山了，錯寫寒江待渡圖。

石民瞻畫鶴溪圖

白鶴翩翩入太清，溪流不盡松風聲。髯翁筆底有仙路，倩渠更寫芙蓉城。

貞居集卷六

七

題吳興公畫

雪片杏花渾點水，鷺羣鷓鴣不驚人。王孫落墨天機妙，轉使徐黃在後塵。

萬壑松濤爲邵彥清作

弁山南下幽人宅，萬箇長松水一瓢。月到三層樓上夢，鯉魚風起駕春潮。

題黃子久畫

雞犬茅茨接暝煙，平林如薺欲連天。急披奇句無人賞，已近飛鴻滅沒邊。

貞居先生詩集卷六終

貞居先生詩集卷第七

雜言

辭

潭上行吟觀潭中樹影

壑流泓兮若媚景內激兮下孰爲地惚馮虛兮暫頰恍
臨深兮旋墜羣木倒植兮雲薄其外雲乘颺兮羣木皆
曳使予極冥冥而下視兮審蒼蒼兮若是

題黃子久畫

大山坳兮矗立浮雲靡兮上征幽人居兮泉縈澗絡玉
趾傷兮木縱石橫

四言

貞居集卷七

春雨謠效謝靈運善哉行仍依韻

南山段雷靈雨辰落澗澗湍瀨鬢鬢林薄惠我霑足忘
彼離索牝谷虛受游氛汎卻嵌巖篁鼓陽隴謳謔脈澗
纖荑流搏餘萼載歌停雲懷人於鑠柴桑逸矣觴至獨
酌亦勞爾耕飲和祛瘼助哉老農同憂同樂

分題山水幀

入山種樹其葉紛紛披迨予還山樹禿無枝戕於斧斤人
得衛之寒暑之戕予其早衰

摘阮圖

長松結陰芳草如莽丘中微吟有天際想彼阮者感發
我撫掌一鳥不鳴眾山皆響

畫水仙花

取石爲友得水能仙金相玉質林下蕭然

梁琴書齋

蕭齋何有有琴有書佩陶之言亦陶之徒

攬鏡

適然覽鏡我在其中當其無我寫此頑銅分形攝受我在何處火熾金鎔何以回互所見者光孰者爲鏡見光爲土所以病病我持寸鐵不磨不瑩縱橫三界物物照映

黃子久小幅山水

一丘桓桓曲折餘地石瀨濺濺林薄翳翳待仙有樓忘

貞居集卷七

二

歸有臺雞犬相聞不相往來游神其間斂形如豆邈不可追隱入巖岫

書屏

山澤大寒朝氣上游淅波如雲孤嶼欲浮

六言絕句

煙梅睡雀墨戲

珍偶偏隣瓊樹寒香漠漠紛紛誰見羅浮雲黑一枝同夢梨雲

妝鏡

璧月朝朝瓊樹明星處處阿房不似千秋鏡裏與人能鑒興亡

子昂風篁圖爲葉景修作
不同主人看竹稍似隱居聽松一代親承墨妙葉公信
有真龍

題岳家舊藏高尚書雲山圖

猶是相臺故物如許雲山有情老我慧因澗上猶夢尙
書履聲

集王摩詰書語二首

寒犬吠聲如豹夜春相應疏鐘華子岡頭清月照人獨
坐山中

夜深僮僕靜默月明輒水淪漣獨與山僧飯訖寒林遠
火初然

貞居集卷七

五言三韻

三

乙酉元日試郭玘墨書三韻

山寒靜雜犬竹爆動比鄰倦踏街頭鼓稍還林下人前
身病居士猶不失冠巾

桂花下約黃祕監飲

翡翠黃金屑檀欒秋桂枝涼風何日到庭樹已先知一
杯持問月更待賈瀉來

五言聯句

燈花聯句

永嘉李季和自金陵持趙涼公書來
累宿菌閣下十月三日夜天始霜殊
寒兩燈並作花
遂聯句酒間

星閣迎寒闕霜鐘動夜縱孝光
酒深燔尤火漏下續蘭

釵寸草紫芝小雨丹葩瑞蒂雙金枝交婉變孝光銀粟

亂髮鬢蠟煖飛蛾笑雨膏融吐鳳雙汞珠光透鏡孝光

火齊幻垂幢的的輝青鎖雨淫淫颭玉缸燭龍擎紫蓋

孝光翹燕綴紅箋鄰眼書窺隙雨仙眉墨暈窗狂吟心

蕊發喜聽足音是孝光折聖風吹座鉤簾月動江青藜

如見遇揮手出紛厯孝光

學詩齋聯句

明良賡歌基倚那奏鼓始清廟殊離離雨赤舄固几几

豈惟緇衣賢雨政以朱襮美原鴿兄弟急雨河魴父母

邇便施谷中葛雨亦采體下菲詠桑表沃若雨歌萊賦

樂只雨鮑諧蘇公絕雨厲懷凡伯恥思鳴卷阿鳳雨願

貞居集卷七

繪衮衣雌雨蔽以思無邪毋曰鼠有體雨言超授簡貢

祐道在過庭鯉雨遂去文辭害亦屏訓詁昧諫諫主風

刺雨昌言發興比雅亡繼麟筆雨和寡續巴里鑄罷魚

在藻屈倡鼻汎水雨緇絃誰與奏補苴自難擬哀哀河

梁別雨堂堂沛風起雨祠洛悔心萌雨決虞壯圖已塞

瓠恨弗鬱雨援桂慄蘿藤便唬城上烏雨猶恨水中泣

祐隆中抱膝想許下橫槊偉體要必中度雨葩正悉循

理雨響當貫珠串雨輟始輟車軌雨清圓斲冰苦雨穎

脫叩鐘喜雨無題白乃聖有作甫良史雨險如橫空盤

突若破陣視雨雕鏤百神困策役萬象靡雨爨桐聲玉

明廟樂厭石齒揮毫既凌厲賦物斯須委雨郊公學方

篤吳歛好誠鄙雨蕭齋扁佳名華構落新址詩律妙獨

造吏塵淨一洗瑰辭出語竽遺經貯腹笥祐道在用服

形神悟爲洗髓雨不虧素王造信全幽人履腎胃苦指

擢物累困成毀直登陶韋奧旁摩鮑謝壘燄凌天策焯

古借靈光巋請驗百世傳致慎一置圯兩老皆苦心六

義始盈耳掛一眞漏萬祐聊以示吾子雨

至正甲申蜡月望前二日句曲外史張天雨自義

興還錢塘其老友某僑居因宿外史于客棧時吳

興鄒韶九成亦在焉余舊嘗喜與外史聯句是夜

將爲之而未得韶作而言曰生以學詩名齋亦有

志於溫柔敦厚之教也儻二先生卽是爲題生幸

貞居集卷七

五

多矣用一笑從其言詩將終而予怯寒先就寢明

旦外史亟歸且屬以足成之爲之補就吳人陸友仁

善隸韶乞寫二紙一張於齋一寄外史云鄭元祐

識

銘

劍石銘

石在景隆觀長逾尋廣不及尺黝碧如鐵鐔鏗具焉予作銘未幾夜半爲有力者負去

鍊質鴻濛挺鋒截薛正一之氣弗壅弗遏星精內孕玉

理旁達瑩謝鵜膏書存紅沫倚天卓地排氛鎮魃兆茲

神宮善建不拔

桃竹杖銘

桃竹江心古所尙采作仙人玉節杖挾爾飛行九霄上
白雲窗銘

眾山皆空一室且虛以空合虛白雲攸居假吾身之戶
牖為元氣之道途無之為用蓋聖人所不能逾况居室

乎
方隅洞銘

洞玄洞虛方山之隅開廓非有杳冥非無玄窗仰窺玉
几俯捫願降霞人接我高奔

王磬池銘
外史菌巢東南之偏鑿池瀦泉與厓室相周旋象

形以磬名焉因勒銘於其垠
貞居集卷七

玉斯潔磬斯折德象著地寶泄瑛琇十六銘池淺玉或
有力者終負去未若藏斯磬於空谷吾見其不舍晝夜
而奏雲門大韶之曲也

石室銘
外史承留侯之裔修隱居之業年六十遷南峰靈

石礪所著老氏經集傳茅山志幽文立史與其詩
若干卷藏龍井之石室解所服劒代其形合葬焉

以示道之不可傳者既闔戶勒銘其上曰
藏書何為道無累猗瘞劒何為神無體猗玄室之闕閱

千歲而未始猗
大元癸未歲吳郡張雨造

外史自贊畫像

志逸心疲身清命濁逃同類而親狻狙毒厚味而美藜藿學取益而勝其損事知危而姑與之安一龍一蛇不厭己之深眇惡衣惡食先憂人之飢寒忽然為人而反常若此若何以祿有身之患

戲題黃大癡小像

全真家數禪和口鼓貧子骨頭吏員臟腑

琴贊

為濱州葉則善作先是薛外史贊絹書大字類顏光祿體則善復命僕次韻配之

石上之桐玉質粹美徽絃粲發飢以松水擬操白雪強名綠綺大音希聲無隱平爾

詩餘

貞居集卷七

七

摸魚兒

雙蓮一絲為人折去仲舉邀予賦之

間凌波並頭私語夜涼誰共料理柔情早被鴛鴦妬怕擊水晶如意香旒旒待微雨清塵略為新妝洗騷辭漫擬攀木末芙蓉同心輕絕未說已先醉空折損又墮偷香夢裏藕絲不斷新脆吳娃小艇無蹤跡也怪半池萍碎還略記是月冷鷗眠鷺宿重驚起高荷恨倚總迴首西風露盤傾瀉清淚似鉛水

蘇武慢

至正八年夏和虞道園

清露晨流新桐初引消受北窗涼曉經卷熏爐筆牀茶具長物任他圍繞老子無情年光有限只似木人花鳥指疑雲數朵奇峰曾見漢唐池沼還自笑待老學蟬

魚金題玉躡書裏便容身了阿對泉頭布衣無恙占斷
雨苔風篠獨鶴歸遲西山缺處掠過亂鴉林表舞琴心
三疊胎仙坐到月高山小

賀新郎

戲次仲舉韻

金屋書中有爲錢唐佳麗待尋歡偶記得朝雲前日夢
伏侍東坡最久且不是郡無官守日日湖中公事了更
成圍妓女隨車後翁兩鬢禿如帚老來莫負簪花手
比佳人難得靈芝三秀此夕燈花何太喜便用買紅纏
酒催看箇肩輿迎取有子平生千萬足看明年墮地於
菟走掛冠去學疏受

木蘭花慢

己未十月十七日壽溪月真人

貞居集卷七

八

試瑤臺借雪春意早滿林巒笑東老殷勤能傾家釀與
盡清歡曾因求賢把詔便朗吟滄浦又廬山自愛西湖
煙雨玉鞭分付青鸞神仙官府肯容閒樞要在玄關
有溪上金鼇月中金粟長駐嬰顏願似洪厓橘朮儘千
年遊戲向人間早晚鳳池書到通明殿上催班

和馬昂夫

想桐君山水正睡雨聽淋浪記短棹曾經煙村晚渡石
磴飛梁無端故人書尺便夢中顛倒我衣裳此去釣臺
多少小山叢桂秋香青蒼秀色未渠央臺榭半消亡
擬招隱羊裘尋盟鷗社投老漁鄉何時扁舟到手有一
襟風月待平章輸與浮丘仙伯九臬聲外蒼茫

又秋詞

看秋容漸好一番雨一番涼試點檢吾家小山叢桂金粟都黃濤江限他吳越便香魂不似向時狂眼底龍飛鳳舞夢中狐嘯鳴張茫茫今古總堪傷歌罷意難忘甚危矣稻生五絃揮手怕聽清商湘明平生師友白衣人借與我持觴若問醉翁年紀指渠松柏高岡

又和黃一峰聞箏

盡彈箏仕女會銀甲驟冰絃看蟬影傲傲鶯聲歷歷鴻陣翩翩哀音莫年多感奈對花口酒更聞鶉卻恐乘雲飛去纏頭裊住非煙烏絲綴譜倩陳玄雅調爲誰傳嗟江上峰青湘皋落木與挾飛仙正須絲竹陶寫儘勝

貞居集卷七

九

渠槌拍事枯禪莫負金尊皓月難留錦瑟華年

又龜溪寄張小山

問出山小草誰與伴五湖遊便一昔風光桃花流水杜若芳洲來時洞門無鎖倩鶴羣長繞侍仙樓邂逅小山招隱依然吾輩風流春愁相戀任餘不寒擁敝貂裘奈雨柳煙花雲帆溪鳥都在簾鉤眼前自無俗物動山心嫌聽鹿呦呦猛把石闌干拍賈胡知爲誰留

瑤花慢賦雪次仇山村韻

飾水爲霧屑玉成塵借阿姨風力千巖競秀怎一夜換作連城之壁先生閉戶怪短日寒催駒隙想平沙鴻爪成行似醉時書迹未隨埋沒雙尖便淡掃蛾眉與鬪

顏色裁詩白戰驢背上馱取灞橋吟客撚鬚自笑儘未
讓諸峰頭白看洗出宮柳梢頭已倩淡黃塗額

百字令

壽立覽真人
次黃一峰韻

橙黃橘綠占一年好景人間真樂玉塵金鼇相對峙如
我視今猶昨珍重留侯招邀黃石俱赴蟠桃約一卮仙
酒得陪三老斟酌總道獨縮銀章重披宮錦有自家
天爵入表明年身更健胸次遙天恢廓春小花繁溪清
月皎都付延年藥洞霄仙侶更添一箇仙鶴

又

四月四日爲王
國輔生日作

紅蓮一舸向游仙夢裏步虛金闕朝罷香煙攜滿袖初
度玳筵重設玉軸琵琶金瓶芍藥都在春風列天然清

貞居集卷七

十

貴樵林自愛暗雪一笑說奉母閒居吾非巧宦未信潘
郎拙戲引鴛鴦香徑底好在雙珠明月錦繡樓臺燕鶯
簾幕垂柳青絲結金籠放鴿年年飛絮時節

宴山亭

賦楊梅

鶴頂珠圓豐肌粟聚寶葉採藍初洗親翦翠柯遠贈筠
籠脈脈紅泉流齒骨換丹砂笑尙帶儒酸風味誰記曾
問西泠綠陰青子君家幾度尊前摘天上繁星伴人
同醉纖手素盤歷亂殷紅浮沈半壺湘水珍果同時惟
醉寫來禽青李爭似爲越女吳姬染指

八聲甘州

舟次垂虹寄
立洲許道上

柳泝水未浣奈春寒似風引歸槎渺雲岑天末煙江雨

外猶認芳華獨酌瓦甌篷底誰與飯胡麻疑聽松風響
水宿蒹葭天上春愁鶴髮許一庵閒地壞衲雙鬢笑
清狂無賴痼疾是煙霞今葛洪移居辛苦甚左郎容易
問丹砂憑傳語空山流水深護桃花

燭影搖紅

紅梅

休擊珊瑚怕驚么鳳枝頭睡看花獨自未分明雪在雲
階砌步障齊奴故里儘一幅仙人絳袂研丹吮粉擬覓
生綃芳心難寄 姑射肌膚朝霞散入春風髓石橋水
酒影娥閒略約相逢地錯妬嫣然嫵媚奈兒家天寒翠
被碧桃和露聽徹吹笙綠珠羞墜

石州慢

和黃一峰秋興

落日空城禾黍夜深砧杵纔歇怪他蘿薜絺衣風露潤
滋涼淡清怨多少只消目送飛鴻五絃已是心悲咽把
酒問青天又中秋時節 聞說謫仙去後何人敢擬酒
豪詩傑草草山林還我舊時明月書帷冷落閒文閒字
偏情熱孤負楮先生有一庭紅葉

水調歌頭

益荷

江湖渺何許歸興浩無邊忽聞數聲水調令我意悠然
莫笑盆池咫尺移得風煙萬頃來傍小窗前稀疏蒼紅
翠特地向人妍 華峰頭花十丈藕如船那知此中佳
趣別是一壺天倒挽碧筒醺酒醉臥綠雲深處雲影自
田田夢中呼一葉散髮看書眠

又爲初心真人七表初度
時延祥有賜田之命

瑞靄延眞館春滿瑞眞家絳縣老人年紀更奈紫髯何
前日黃華迎賜口子青氈舊物田野總謳歌報貺啟金
籙笙鶴恰來過問蟠桃花結實樹交柯今朝桂氣五
雲都在牡丹坡何物可爲公壽直比心如明月清鏡閱
人多于此看勳業銅狄細摩挲

又贈都料邵子
和還嘉禾

別有梓人傳精藝奪天工便挾玉人雕琢妙手略相同
寶殿網珠窗戶華蓋狻猊牀坐金碧鬪玲瓏花萼開芝
草細縷一重重看揮斤除鼻聖運成風多少巧心奇
思舞鳳更翔龍縱使棘端猴小與客三年楮葉難比錦
心胸快袖吳剛斧修取廣寒宮

貞居集卷七

七

滿庭芳重九次
趙侯韻

湖曲荒煙石林斜日笛聲悽斷山陽孤懷無託只用醉
爲鄉迴首西風黃落儘輸他松檜青蒼相思處書題新
橋還待滿林霜人生難會合良辰孤負把菊傳觴便
三人對月獨自清狂政爲琵琶音空谷天遠近鴻鶴高翔
空追和陽春一曲聊代紫萸囊

又和歐陽彥
珍催柱

桂影團團小山叢底今年特地收香早陣風陣雨頻掩
西窗一翦辟寒金碎甚教人長想容光淒涼夜香篝撤
去孤負華堂金菊芙蓉儘未怕換葉移根多少思量

縱素娥老去，有便相忘，怪得探芳秋蝶。向翠陰深處迴，翔非遲莫。一枝折得，留待仙郎。

滿江紅

元斗室落成，玄覽真人命名，得月軒。

笑向桃花，又一番、玄都春色。彷彿記、主家陰洞，不多陳迹。竹裏棋枰，憎鳥污林間鶴。語無人識。怪東風遲莫，卻歸來、龐眉客。溝水漲雲，充斥環堵。隘花狼籍，似石湖魚小。酒船寬窄，庭下已生書帶。艸旁人錯認。揚雄宅，問青天明月，落誰家無心得。

又王簪次班彥功韻

玉導纖長，頓化作雲英。香莢風弄影，綠鬟撩亂搔頭斜。插撲小還思，釵燕並叢幽。略比蕉心狹，看柔鬢、點綴半

貞居集卷七

十三

開時微烘蠟。冰柱瘦瓊枝，滑芳徑底誰偷。怕怕夜涼，消得錦圍紅。帟鷺管不禁，仙露重，蜜脾賸借清香發。待使君絕妙好詞，成須彈壓。

獅兒詞

賊梅次仇仁近韻

含香弄粉，便句引遊騎。尋芳城南城北，別有西村斷港。冰漸微綠，孤山路熟，伴老鶴晚先尋宿。怕凍損三花兩蕊。寒泉幽谷。幾番花陰，濯足記歸來，醉臥雪深平屋。春夢無憑，鬢底鬪蛾爭撲。不如圖畫相對，展官奴風竹。桃簧獨自聽瓶笙調曲。

望梅花

壽師道真人

何處仙家，方丈渾連水。隔他塵埃，放鶴天寬，看雲窗小。

萬幅丹青圖障憑高望笑掣金鼇道是蓬萊頂上時
問葛陂龍杖更準備雪中鶴警修月吳剛收書東老消
得百壺春釀無盡藏莫傲清閒怕詔起山中宰相

踏莎行

王叢隱五香園作園象墨寫梅蘭水仙
山礬瑞香五品盤憑折枝於其中韓明
善有月上影娥池人在眾香
國一聯令予爲易玄賦之

玉鏡臺前看花如霧交柯接葉紛無數春寒約住柳絲
團月明染下方諸露廬阜神游湖皋微步玉奴老去
羞樊素韓郎解比影娥池倩誰摘出香奩句

又

爲宋德輝送
醫僧道二首

龍樹名芳阿師旁得參苓藥籠真奇特閒身偶示病魔
侵幾番勞動黃金錫灌漑三田平和百脈只消甘露

貞居集卷七

十四

楊枝滴入荒壽域太平時大家都藉惹悲力只留甘
春夢還山藥羅巖上覺來便覺身亡恙不知引入市廛
壺丹瓢猶掛蒼龍杖一脈清涼三關調暢口口更展
滄溟量還將底事謝先生山中百斛丹泉釀

南鄉子

題李紫
箕山居

午枕託冥搜得句棲霞半嶺頭不奈松篁疏雨過颼颼
化蝶飛來爲少留石壁倚清秋袖拂煙痕寫遠遊信
有平生濠濮想悠悠身似潛魚懶上鉤

蝶戀花

誰道鷺兒黃似酒對酒新鷺得似垂絲柳松粉泥金初
染就年年春雪消時候一縷柔情能斷否雨重煙輕

無力縈窗牖試看溪南陰千畝落花都聚紅雲帚

又清明日去染溪元鎮買舟
追送未至戲題所坐船窗

雨館幽人朝睡美好趁春晴茶竈隨行李九朵芙蓉青
似洗天河一夜增新水 相送殷勤煩至禮燕子無情
不管帆檣起錯恨分風三十里清明小住爲佳耳

又追次菘翁卷
中冬至之作

空谷天寒殊慰藉半幅瑤華喚得春回也金馬玉堂猶
傳舍嵩雲潁水風流夜 馳騁莊騷凌鮑謝昔日忘年
邂逅鴻濛野愁絕朱絃誰爲寫高情那復如初者

浪淘沙

周晉仙諱文璞者有詞云選了酒家錢
便好安眠大槐宮裏著貂蟬行到江南

知是夢雪壓漁船盤薄古梅邊也信前緣鶯黃
雪白又醒然一事最奇君聽取明日新年 晉

貞居集卷七

五

仙南渡來名士一號方泉老人此詞解于困學
每愛書之百年後方外士張雨追和一篇以爲
笑樂借困學公
不能爲我賞音

拋下杖頭錢取次高眠玉梅金縷孟家蟬說著錢唐都
似夢懶問游船 誰信酒壚邊別有仙緣自家天地一
陶然醉寫桃符都不記明日新年

柳梢青

題楊補
之墨梅

面目冰霜逃禪正派只讓花光怪底徐卿爲渠描貌縈
損柔腸 有誰步屨長廊更折竹聲中吹細香酒半醒
時雪晴寒夜月上西窗

茅山逢故人

句曲道
中送友

山下寒林平楚山外雲帆煙渚不飲如何吾生如夢鬢

毛如許能消幾度相逢避莫而今歸去壯士黃金昔
人黃鶴美人黃土

殿前懽 楊廉夫席上有贈

小吳娃玉盤仙掌載春霞後堂絳帳垂簾下誰理琵琶
香山處士家玉局仙人畫一刻春無價老夫醉也烏
帽瓊華

早春怨 擬白石

盼得春來春寒春困陡頓無聊半剔殘釵片時春夢過
了元宵 空山莫莫朝朝到此際無魂可消卻倚東風
水如衣帶草似裙腰

如夢令 山中逃 蘇三首

貞居集卷七

去

湖外殘鐘未了過嶺樵夫恁早犬吠又人行推枕北窗
清曉清曉清曉勞動數聲嘯鳥

綠錦峰巒似繡曲折一渠冰溜中有養痾人敲枕北窗
清晝清晝清晝蝴蝶還知夢否

靜默兩家茅舍特地月明狼藉不管候蟲吟高枕北窗
清夜清夜清夜涼似樊川水榭

漁父詞 贊船子和 尚二首

此物由來不可名絲綸收去水波平長抱膝可憐生誰
著蓑衣臥月明

上釣金鱗不用多踏翻船子便高歌猶有在問如何問
取儂家張志和

摸魚子和王軒

看棋枰一番換局山中知幾朝莫舊時王謝堂前燕都
付後人懷古胡琴語索燕寢凝香此日天應許甘回味
苦笑老子癡頑胸中色綫終爲袞衣補人投簪去政有
小山叢桂歸來依舊爲主春江賸釀番江綠門外儘多
朱屨高陽侶慣踏醉狂歌驚起星河鷺花枝爭舞語蘭
玉階前穠纖依約猶染斷縑素

風入松

壽吳大宗師

羽衣能補舜衣裳閒看雲忙宣文奎畫龍珠護口家山
輝映琳瑯天上重逢初度仙韶錫宴非常滿朝人道
魯靈光合佩金章丹牙修出織織月看年年玉斧吳剛
不枉盤根壽樑要扶宗社靈長

貞居集卷七

七

朝中措早春書易玄九曲新居壁

草堂移住古城隈堂下水平階要結柴桑鄰里不須鷗
鷺驚猜行廚竹裏圓官菜把野老山杯說與定巢新
燕杏花開了重來

太常引浴鵲灣有詠寫奉易玄

一叢奇石古苔龕一半浸按藍有幾許煙嵐怕魚鳥驚
人笑談幽幽尺宅蕭蕭環堵佳處要人參休看是江

南似鉅鐻潭西小潭漫翁新製畫舫湖中爲名其舫曰浮家泛宅翁姓李字仁仲湖船用布帆自李始

莫將西子比西湖千古一陶朱生怕在樓居也用著風

帆短蒲 銀瓶索酒并刀斫
船背錦模糊隄上再傳
呼那箇是煙波釣徒

定風波 玉塵宗師十月廿八日誕丁卯九月間
錦衣期頤之佳瑞也舊蓬萊閣成後拜

鎮南王賜衣之
寵喜而作歌

漆點方瞳雪覆眉鶴巢殿角與雲齊
笑製蓬萊三百丈
更向白雲層外著丹梯
步障諸峰霜似錦借問高寒

那與世人知楊子賢王新有教澹染高麗綾子製荷衣

憶秦娥 楊山居湖船新成載酒樂之
賦秦樓月二首書于舫窗

蘭舟小一篷也便容身了容身了
幾番煙雨幾番昏曉
出橋三面青山繞入城一面紅霞擾
紅霞擾綠蕙青

鷓鴣問渠多少

貞居集卷七

六

蘭舟小沿隄傍著裙腰草裙腰草
年年青翠幾曾枯槁

漁歌一曲隨顛倒酒壺早是容情了
容情了冑來清

坐喫茶須好

水龍吟 代玄覽和東泉
學士自壽之作

古來宰相神仙有誰能似東泉老
今朝佳宴楊枝解唱

花枝解笑鐘鼎山林同時行輩
故人應少問功成身退

何須更學鴟夷子煙波渺
我自深衣獨樂儘從渠黃

塵鳥帽後來官職清高一品還他
三少不料十載光陰

渭水相逢又入非熊夢了
到恁時拂袖逍遙勝戲十洲

三島

梧葉兒 贈龜溪醫隱
唐茂之二首

參苓籠山水閒好處在西關
放取詩瓢去攜將酒榼還
口口倩歌鬟休舉似江南
小山

移家去市隱閒幽事頗相關
劉商觀棋罷韓康賣藥還
點檢綠雲鬢數不盡詭溪好山

鷓鴣天

贈醫士
沈德誠

東老傳家道氣穠
榴皮壁上有仙蹤
耳孫陰德知何限
都在參苓藥籠中
雖無貴賤有窮通
活人心事契蒼穹
吾家昆弟能無恙
須藉全生一已功

喜春來

奉定三年丙寅除
夜玉山舟中賦

江梅的的依茅舍
石瀨濺濺漱玉沙
瓦甌篷底送年華

問莫鴉何處阿戎家

貞居集卷七

九

東風第一枝

上簪

清淚如鉛綠房迎曉
寶階低湧雲葉蜻蜓飛上搔頭
依前豔香未歇西窗
暗雨怪簾底參差涼月正一叢深倚
琅玕石上只愁磨折
問瑤草應憐短髮曾醉墮無聲
膩滑羞他金雀鈿蟬高似水仙羅
鞵芳心斷絕誰與贈
湘皋瓊瑛試折花
擲作銀橋看舞素鸞迴雪

鷓鴣天

觀書

卷七

卷七

卷七

07156

貞居先生詩集卷七終

關東沈德誠

沈德誠

沈德誠

